

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst ("Službene novine Zeničko-dobojskog kantona", broj: 7/10) na prijedlog Ministarstva za boračka pitanja, Vlada Zeničko-dobojskog kantona na 16. sjednici, održanoj dana 09.06.2015. godine, donosi

## **ZAKLJUČAK**

### **I.**

Prihvata se Informacija o aktuelnom stanju i ostvarivanju prava pripadnika branilačke populacije s osvrtnom na rad i aktivnosti boračkih udruženja, Ministarstva za boračka pitanja kao obrađivača.

### **II.**

Zaključak sa Informacijom iz tačke I. ovog zaključka upućuje se u daljnju skupštinsku proceduru.

### **III.**

Zaključak stupa na snagu danom donošenja.

**PREMIJER**

Broj: 02-\_\_\_\_\_/15.  
Datum, 09.06.2015. godine  
Z e n i c a

***Miralem Galijašević***

DOSTAVLJENO:

1x Ministarstvo za boračka pitanja,  
1x Stručna služba Skupštine,  
1x a/a.

**Bosna i Hercegovina  
Federacija Bosna i Hercegovina  
Zeničko-dobojski kanton  
MINISTARSTVO ZA BORAČKA PITANJA**

**I N F O R M A C I J A**  
**o aktuelnom stanju i ostvarivanju prava pripadnika branilačke  
populacije s osvrtnom na rad i aktivnosti boračkih udruženja**

Zenica, juni 2015.godine

## **DIO PRVI - UVOD**

Programom rada Skupštine Zeničko-dobojskog kantona za 2015.godinu predviđeno je i razmatranje Informacije o aktuelnom stanju i ostvarivanju prava pripadnika branilačke populacije s osvrtom na rad i aktivnosti boračkih udruženja, Vlade Zeničko-dobojskog kantona kao predlagača, a Ministarstva za boračka pitanja Zeničko-dobojskog kantona kao obrađivača.

Prilikom izrade Informacije Ministarstvo za boračka pitanja je imalo za cilj analitički prikaz problematike pitanja branilaca i članova njihovih porodica, sa potrebnim konstatacijama i stajalištima, te zaključcima i prijedlozima o daljnjem radu u ovoj oblasti.

Informacija uglavnom daje prikaz podataka koji se odnose na period 2013. i 2014.godine, imajući u vidu da je Skupština Kantona 19.10.2011.god. razmatrala i usvojila Informaciju o stanju u oblasti branilačko-invalidske zaštite, a 10.05.2013.god. Informaciju o stanju u oblasti branilačko-invalidske zaštite u 2012.godini, dvije informacije koje su dale detaljan prikaz stanja iz ove oblasti u naznačenom periodu.

S obzirom da je Vlada Kantona na sjednici od 11.12.2013.god. usvojila i poslala u skupštinsku proceduru Informaciju o statusu, radu i aktivnostima udruženja pripadnika branilačke populacije na području Zeničko-dobojskog kantona, Ministarstva za boračka pitanja kao obrađivača, koja međutim nije razmatrana od strane zastupnika Skupštine u prethodnom mandatu, ova Informacija u svom dijelu koji se odnosi na aktivnosti udruženja uglavnom je bazirana na naznačenoj informaciji iz 2013.godine, sa ažuriranim podacima za sadašnji period.

Prikaz podataka u Informaciji izvršen je na način kao u prethodno razmatranim informacijama o stanju branilačko-invalidske zaštite, kako zbog kontinuiteta u metodološkom pristupu tako i zbog činjenice da je isti u smislu preglednosti i cjelovitosti pozitivno ocijenjen od strane ranijeg saziva Skupštine Kantona. Imajući u vidu da određeni broj zastupnika saziva Skupštine prvi put razmatra informaciju ove vrste, kao i radi podsjećanja ostalih zastupnika na prava pripadnika branilačke populacije sa područja našeg Kantona koja se ne ostvaruju kao dopunska prava, dat je i skraćeni pregled prava koja isti ostvaruju po osnovu federalnih propisa i sredstvima Federalnog budžeta.

Za podatke iz ove informacije korišteni su redovni godišnji izvještaji o radu i periodične informacije o stanju u pojedinim segmentima branilačko-invalidske zaštite, koje je Ministarstvo za boračka pitanja podnosilo Vladi Kantona, te izvještaji o broju korisnika, riješenim predmetima i utrošenim sredstvima, koje su općinske službe uprave dostavljale Ministarstvu kroz godišnje izvještaje o svom radu.

## **DIO DRUGI - NORMATIVNA REGULATIVA, KORISNICI PRAVA, RESORNO MINISTARSTVO**

### **POGLAVLJE I. Važeći propisi**

Branilačko-invalidska zaštita, tačnije ostvarivanje prava branilaca i članova njihovih porodica te obaveze organa zakonodavne i izvršne vlasti u vezi sa istim na području Kantona, regulisani su slijedećim propisima:

- Ustav Federacije,
- Zakon o pravima branilaca i članova njihovih porodica ("Službene novine Federacije Bosne i Hercegovine" broj 33/04,56/05, 70/07 i 9/10),
- Zakon o posebnim pravima dobitnika ratnih priznanja i odlikovanja i članova njihovih porodica ("Službene novine Federacije Bosne i Hercegovine" broj 70/05, 61/06 i 9/10)
- Odluka o posebnim pravima nosilaca "Partizanske spomenice 1941" i članova njihovih porodica ("Službene novine Federacije Bosne i Hercegovine" broj 6/06).
- Odluke, uredbе, pravilnici, naredbe, uputstva, smjernice i ostali podzakonski akti Vlade Federacije i Federalnog ministarstva za pitanja boraca i invalida odbrambeno-oslobodilačkog

- rata/ Federalno ministarstvo za pitanja branitelja i invalida domovinskog rata, iz oblasti branilačko-invalidske zaštite,
- Ustav Kantona,
  - Zakon o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14)
  - Podzakonski akti doneseni na osnovu Zakona o dopunskim pravima branilaca i članova njihovih porodica:
    - a. Odluka o proširenom obimu prava iz oblasti zdravstvene zaštite za braniocima i članove njihovih porodica (Službene novine ZDK br. 3/08 i 7/13)
    - b. Uredba o medicinskoj rehabilitaciji branilaca i članova njihovih porodica u banjasko-klimatskim lječilištima (Službene novine ZDK br. 4/14)
    - c. Uredba o stipendiranju redovnog studija branilaca i članova njihovih porodica (Službene novine ZDK br. 4/14)
    - d. Uredba o prednosti u školovanju branilaca i članova njihovih porodica (Službene novine ZDK br. 4/14)
    - e. Uredba o pomoći u rješavanju stambenog pitanja branilaca i članova njihovih porodica (Službene novine ZDK br. 4/14)
    - f. Uredba o vanrednoj novčanoj pomoći braniocima i članovima njihovih porodica (Službene novine ZDK br. 4/14)
    - g. Uredba o dodjeli kredita za zapošljavanje branilaca i članova njihovih porodica (Službene novine ZDK br. 4/14)
    - h. Uredba o sufinansiranju sportskih aktivnosti ratnih vojnih invalida (Službene novine ZDK br. 4/14)
    - i. Uredba o naknadi troškova dženaze/sahrane branilaca i članova njihovih porodica (Službene novine ZDK br. 4/14)
    - j. Uredba o naknadi troškova podizanja nišana/nadgrobnog spomenika (Službene novine ZDK br. 4/14)
    - k. Uredba o novčanoj naknadi dobitnika ratnih priznanja i odlikovanja za vrijeme nezaposlenosti (Službene novine ZDK br. 4/14)
    - l. Odluka o finansiranju rada kantonalnih udruženja branilaca i članova njihovih porodica (Službene novine ZDK br. 4/14)
    - m. Pravilnik o načinu ostvarivanja prava po osnovu preostale sposobnosti (akt ministra Ministarstva za boračka pitanja broj: 02-02-21713/07 od 09.05.2008. godine,
  - Akti doneseni na osnovu drugih kantonalnih zakona, Ministarstva za boračka pitanja kao obrađivača:
    - a. Odluka o odobravanju prijenosa vlasništva na stanovima dodijeljenim na korištenje braniocima i članovima njihovih porodica (Službene novine ZDK br. 11/06 i 15/10)
    - b. Odluka o smanjenju kamatne stope na kredite za stambenu izgradnju odobrene pripadnicima branilačke populacije (Službene novine ZDK br. 8/06)
  - Zakoni i podzakonski akti u resornoj nadležnosti drugih kantonalnih organa uprave, odredbe kojih regulišu posebna prava branilaca i članova njihovih porodica:
    - a. Zakon o sudskim taksama (Službene novine ZDK br. 12/09 - 3/14)
    - b. Zakon o kantonalnim administrativnim taksama – preč.tekst (Službene novine ZDK br. 13/02 - 3/14)
    - c. Zakon o porezu na promet nekretnina (Službene novine ZDK br. 6/09 i 6/13)
    - d. Zakon o porezu na imovinu, naslijeđe i poklon (Službene novine ZDK br. 9/09 i 13/11)
    - e. Odluka o neposrednom učešću osiguranih lica u troškovima korišćenja zdravstvene zaštite (Službene novine ZDK br. 4/05 i 13/08)
    - f. Odluka o obimu prava na korištenje ortopedskih i drugih pomagala, zubnoprotske pomoći i zubnoprotskih nadomjestaka i endoproteza (Službene novine ZDK br. 4/05)

- g. Odluka o proširenom obimu prava na korištenje medicinsko-sanitetskih pomagala, medicinskog materijala i lijekova za ratne vojne invalide-paraplegičare (Službene novine ZDK br. 4/05)
- akti Skupštine i Vlade Kantona kojim se utvrđuju posebni zadaci Ministarstva za boračka pitanja, odnosno daju određene smjernice i uputstva.

## **POGLAVLJE II. Korisnici prava**

Branioци i članovi njihovih porodica, kao korisnici prava iz oblasti branilačko-invalidske zaštite, u skladu sa naprijed naznačenim federalnim zakonima odnosno Kantonalnim zakonom o dopunskim pravima branilaca i članova njihovih porodica, mogu se svrstati u slijedeće kategorije:

- a) dobitnici ratnog priznanja ili odlikovanja,
- b) ratni vojni invalidi,
- c) demobilizirani branioци,
- d) članovi porodice šehida, poginulog, umrlog, nestalog branioца i umrlog ratnog vojnog invalida,
- e) djeca šehida, poginulog, umrlog, nestalog branioца bez oba roditelja,
- f) članovi uže porodice poginulog, umrlog ili nestalog dobitnika ratnog priznanja ili odlikovanja,
- g) nosioci "Partizanske spomenice 1941" i članovi uže porodice poginulog ili umrlog nosioца "Partizanske spomenice 1941".
- h) djeca dobitnika ratnog priznanja ili odlikovanja/ratnog vojnog invalida/demobiliziranog branioца,
- i) dobrovoljci i organizatori otpora, veterani, učesnici rata.

Definicije pojedinih kategorija utvrđene su federalnim zakonima, odnosno Zakonom o dopunskim pravima branilaca i članova njihovih porodica, i od značaja su kod vrste, obima i načina ostvarivanja pojedinih prava. S obzirom da su Kantonalnim zakonom utvrđeni oblici branilačko-invalidske zaštite koji se ostvaruju kao dopunska prava, uz prava koja su za branioce i članove njihovih porodica utvrđena federalnim zakonima, istim su naznačeni slijedeći pojmovi i definicije:

- a) Braniocem, odnosno demobiliziranim braniocem smatra se pripadnik Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova (u daljnjem tekstu: Oružane snage) koji je učestvovao u odbrani Bosne i Hercegovine (početak agresije na općinu Ravno) od 18.09.1991. do 23.12.1996.godine, odnosno do prestanka neposredne ratne opasnosti i koji je demobiliziran rješenjem nadležnog vojnog organa, kao i lice koje je učestvovalo u pripremi za odbranu i u odbrani Bosne i Hercegovine u periodu prije 18.09.1991.godine a koje je angažirano od nadležnih organa;
- b) Pod učešćem u odbrani Bosne i Hercegovine podrazumijeva se učešće u oružanom otporu i djelovanje u direktnoj vezi sa pružanjem otpora;
- c) Dobrovoljcem i organizatorom otpora smatra se pripadnik vojnih jedinica koji je učestvovao u pripremi za odbranu i u odbrani Bosne i Hercegovine u periodu do 19.06.1992.godine, kao i drugo lice koje nije bilo vojni obveznik u vrijeme dobrovoljnog stupanja u Oružane snage i ostalo neprekidno u jedinicama do kraja rata, ili je ranije demobiliziran od nadležnog vojnog organa;
- d) Veteranom se smatra lice koje je stupilo u Oružane snage od 18.09.1991.godine do 31.12.1992.godine i ostalo neprekidno do 23.12.1995.godine, ili je ranije demobilizirano od nadležnog vojnog organa;
- e) Učesnikom rata smatra se svako lice koje je u sastavu Oružanih snaga provelo najmanje jednu godinu neprekidno u periodu od 20.06.1992.godine do 23.12.1995.godine.
- f) Ratni vojni invalid je branilac kojem je to svojstvo utvrđeno rješenjem nadležnog organa i u skladu sa Zakonom o pravima branilaca i članova njihovih porodica, a po osnovu zadobivene

rane, povrede, bolesti ili pogoršanja zdravstvenog stanja, usljed čega je nastupilo oštećenje njegovog organizma najmanje za 20%.

- g) Član porodice šehida, poginulog, umrlog, nestalog branioca i umrlog ratnog vojnog invalida je korisnik prava na porodičnu invalidninu, na osnovu rješenja nadležnog organa, izdatog u skladu sa Zakonom o pravima branilaca i članova njihovih porodica.
- h) Dijete šehida, poginulog, umrlog, nestalog branioca bez oba roditelja je član porodice šehida, poginulog, umrlog, nestalog branioca, koje je u vrijeme gubitka oba roditelja bilo malodobno.
- i) Djetetom dobitnika ratnog priznanja ili odlikovanja/ratnog vojnog invalida/demobiliziranog branioca, smatra se dijete rođeno u braku/van braka, usvojeno dijete, kao i pastorče koje je sa istim živjelo u zajedničkom domaćinstvu najmanje posljednju godinu dana.
- j) Lice sa naročitim zaslugama u odbrambeno-oslobodilačkom ratu je dobitnik ratnog priznanja ili odlikovanja i nosilac "Partizanske spomenice 1941".
- k) Dobitnik ratnog priznanja ili odlikovanja i član uže porodice poginulog, umrlog ili nestalog dobitnika ratnog priznanja ili odlikovanja, je korisnik prava na mjesečni novčani dodatak, na osnovu rješenja nadležnog organa, u skladu sa odredbama Zakona o posebnim pravima dobitnika ratnih priznanja i odlikovanja i članova njihovih porodica.
- l) Nosilac "Partizanske spomenice 1941" i član uže porodice poginulog ili umrlog nosioca "Partizanske spomenice 1941" je korisnik prava na mjesečni novčani dodatak, na osnovu rješenja nadležnog organa u skladu sa odredbama Odluke o posebnim pravima nosilaca "Partizanske spomenice 1941" i članova njihovih porodica ("Službene novine Federacije Bosne i Hercegovine" broj 6/06).

Iz naprijed iznesenog evidentno je da se branilačko-invalidska zaštita osigurava za branioce i članove njihovih porodica koji su svoj status ostvarili po osnovu učešća u proteklom odbrambeno-oslobodilačkom ratu 1991.-1996.godine, a sa istim su u pravima izjednačeni i učesnici narodnooslobodilačkog-antifašističkog rata 1941.-1945.godine.

Kantonalni zakon, pod određenim uvjetima, predviđa ostvarivanje prava i za kategoriju posebnih korisnika branilačko-invalidske zaštite - to su lica koja ne ostvaruju prava po federalnim zakonima i uglavnom su u teškoj socijalno-ekonomskoj situaciji:

- a) djeca šehida, poginulog, umrlog, nestalog branioca, kojima je prestalo pravo na porodičnu invalidninu – prava iz oblasti zdravstvene zaštite, zapošljavanja i stipendiranja, do navršene 35. godine života;
- b) djeca poginulog, umrlog ili nestalog dobitnika ratnog priznanja ili odlikovanja kojima je prestalo pravo na mjesečni novčani dodatak, djeca umrlog ratnog vojnog invalida koja nisu korisnici prava na porodičnu invalidninu i djeca umrlog demobiliziranog branioca - prava iz oblasti zdravstvene zaštite, zapošljavanja i stipendiranja, do navršene 30. godine života;
- c) udovice umrlih demobiliziranih branilaca te roditelji umrlih ratnih vojnih invalida ili demobiliziranih branilaca koji su u redovima Oružanih snaga proveli najmanje dvije godine.

### **POGLAVLJE III. Resorna nadležnost i obaveze Ministarstva za boračka pitanja**

Ministarstvo za boračka pitanja Zeničko-dobojskog kantona, u skladu sa odredbama člana 12. Zakona o kantonalnim ministarstvima i drugim organima uprave, vrši upravne i stručne poslove utvrđene zakonima i drugim propisima koji se odnose na utvrđivanje i ostvarivanje prava i zaštitu interesa branilaca iz proteklog odbrambeno oslobodilačkog rata – pripadnika jedinica Oružanih snaga i članova njihovih porodica: ratnih vojnih invalida, demobiliziranih branilaca, dobitnika ratnih priznanja ili odlikovanja, članova porodica šehida, poginulih, umrlih i nestalih branilaca i umrlih ratnih vojnih invalida i članova uže porodice umrlih poginulih, umrlih ili nestalih dobitnika ratnih priznanja ili odlikovanja. Prvenstveno se to odnosi na poslove u vezi sa reguliranjem socijalno-statusnih pitanja branilaca i članova njihovih porodica: pitanja zdravstvene zaštite,

ortopedskih pomagala i medicinske rehabilitacije, profesionalne rehabilitacije, stambenog zbrinjavanja, prednosti u školovanju i zapošljavanju, podizanja nišana i spomen obilježja, novčane pomoći u rješavanju socijalno-ekonomskih problema i drugo, pri čemu Ministarstvo daje mišljenje u donošenju sistemskih propisa kojim se reguliraju osnovna pitanja branilaca i članova njihovih porodica na nivou Federacije BiH; priprema zakone i druge propise kojim se reguliraju socijalno-statusna pitanja branilaca i članova njihovih porodica na području Kantona; neposredno izvršava zakone i druge propise; rješava u drugostepenom upravnom postupku i vrši poslove revizije rješenja izdatih u prvostepenom postupku; vrši upravni i finansijski nadzor nad provedbom zakona i drugih propisa iz ove oblasti; daje mišljenje po propisima koje pripremaju drugi organi, a odnose se na prava pripadnika branilačke populacije, donosi podzakonske akte i prati stanje u oblasti branilačko-invalidske zaštite.

Ministarstvo osigurava zaštitu i ostvarivanje prava i učesnika narodno-oslobodilačkog rata 1941-1945. godine, u skladu sa važećim zakonima i drugim propisima.

Rad Ministarstva za boračka pitanja je baziran na poslovima i zadacima koji kao osnovna funkcija Ministarstva proizilaze iz ustava Federacije i Kantona, Zakona o Vladi Zeničko-dobojskog kantona, Zakona o kantonalnim ministarstvima i drugim tijelima uprave, te federalnih i kantonalnih zakona i ostalih propisa iz oblasti branilačko-invalidske zaštite.

U Ministarstvu za boračka pitanja se, po osnovu ovlaštenja i obaveze propisanih odredbama člana 41. Zakona o pravima branilaca i članova njihovih porodica, po službenoj dužnosti obavljaju poslovi revizije prvostepenih rješenja izdatih od strane općinskih službi nadležnih za poslove branilačko-invalidske zaštite, u predmetima priznavanja prava na porodičnu i ličnu invalidninu. U vršenju revizije Ministarstvo može dati saglasnost na prvostepeno rješenje, ili isto izmijeniti, poništiti, ili drugačije riješiti.

U realizaciji obaveza po Federalnom zakonu Ministarstvo za boračka pitanja kontinuirano nadgleda stepen realizacije obaveza općina, te obavlja niz aktivnosti na implementaciji Zakona kroz upućivanje cirkularnih dopisa i davanje pismenih i usmenih uputstava načelnicima općina i službama, održavanje sastanaka, i dr., o čemu redovno izvještava Federalno ministarstvo;

Ministarstvo vrši redovni mjesečni obračun invalidnina za prosječno 11.332 korisnika i isti dostavlja Federalnom ministarstvu koje je, u skladu sa važećim sistemom, vrši isplatu istih korisnicima putem banaka - na ovaj način je u 2014.godini realizovano ukupno 34.180.014,50 redovnih sredstava, te sredstava u iznosu od 864.967,59 KM na ime razlike po osnovu usklađivanja koeficijenta i zakonske osnovice iz 2009.godine.

Ministarstvo vrši i kontinuirano softversko prikupljanje ažuriranih podataka iz evidencionih kartona korisnika prava iz branilačko-invalidske zaštite od strane resornih općinskih službi, a u okviru instaliranog programa IIS BIZ, te redovno mjesečno objedinjavanje i dostavljanje prikupljenih podataka Federalnom ministarstvu. Ministarstvo obavlja i poslove prikupljanja i objedinjavanja novčanih potraživanja po općinama u cilju realizacije mjesečnih isplata ovih prinadležnosti kao i korekcije podataka o zaostalim potraživanjima.

U ovom segmentu svog rada Ministarstvo kontinuirano otklanja probleme u funkcioniranju službenog software-a IIS branilačko-invalidske zaštite nastalog kao posljedica loše i zastarjele informatičke opreme u općinskim službama, te instaliranje software-a na novim kompjuterima.

U svom odnosu sa organima drugih nivoa vlasti Ministarstvo se pridržava propisa i akata kojima su regulisani ovi odnosi te izvršava obaveze koje kao organ uprave ima po ovom pitanju. U kontaktima sa Federalnim ministarstvom za pitanja boraca i invalida odbrambeno-oslobodilačkog rata/ Federalno ministarstvo za pitanja branitelja i invalida domovinskog rata, nastoji se ostvariti najviši stepen saradnje i koordinacije u cilju izvršavanja aktivnosti iz oblasti branilačko-invalidske zaštite.

Ministarstvo prilikom obavljanja svojih aktivnosti ostvaruje značajnu saradnju sa svim općinskim službama za BIZ, udruženjima pripadnika branilačke populacije na svim nivoima, javnim ustanovama iz oblasti zdravstva i medicinske rehabilitacije, zapošljavanja i socijalnog zbrinjavanja, preduzećima za izradu ortopedskih pomagala, Institutom za ocjenu radne sposobnosti, kao i drugim pravnim i fizičkim licima djelatnost kojih je od značaja za ostvarivanje prava i zaštitu interesa branilaca i članova njihovih porodica.

## **DIO TREĆI - OSNOVNA PRAVA PO FEDERALNIM ZAKONIMA**

Zakonom o pravima branilaca i članova njihovih porodica utvrđeno je pravo na mjesečnu novčanu naknadu za ratne vojne invalide, porodice šehida, poginulog, umrlog, nestalog branioca i umrlog ratnog vojnog invalida.

Zakonom o posebnim pravima dobitnika ratnih priznanja i odlikovanja i članova njihovih porodica utvrđeno je pravo na mjesečni novčani dodatak za dobitnike ratnih priznanja ili odlikovanja i članove porodica poginulog, umrlog ili nestalog dobitnika ratnog priznanja ili odlikovanja.

U postupku po zahtjevu stranaka za priznavanje prava na novčana primanja po naprijed navedenim zakonskim osnovama ili u postupku pokrenutom po službenoj dužnosti, općinske službe nadležne za poslove branilačko-invalidske zaštite rješavaju u prvom stepenu o uvećanju, smanjenju, djelimičnom ili potpunom prestanku prava, dok u drugom stepenu rješava Federalno ministarstvo.

### **POGLAVLJE I. Novčana primanja porodica šehida/poginulih branilaca**

Porodice šehida, poginulog, umrlog, nestalog branioca i umrlog ratnog vojnog invalida ostvaruju slijedeća novčana primanja:

- porodična invalidnina
- uvećana porodična invalidnina

U narednim tabelama su dati pokazatelji o korisnicima ovih prava po općinama Kantona:

Tabela 1. Pregled broja korisnika i sauživalaca porodične invalidnine u 2013. i 2014. godini

| Općina        | 2013.godina |             | 2014.godina |             |
|---------------|-------------|-------------|-------------|-------------|
|               | Korisnici   | Sauživaoci  | Korisnici   | Sauživaoci  |
| Breza         | 165         | 58          | 161         | 47          |
| Doboj-jug     | 228         | 59          | 224         | 44          |
| Kakanj        | 367         | 145         | 367         | 110         |
| Maglaj        | 501         | 129         | 492         | 106         |
| Olovo         | 171         | 62          | 171         | 47          |
| Tešanj        | 644         | 191         | 625         | 146         |
| Usora         | 74          | 15          | 74          | 15          |
| Vareš         | 136         | 47          | 137         | 40          |
| Visoko        | 496         | 167         | 479         | 125         |
| Zavidovići    | 695         | 254         | 680         | 191         |
| Zenica        | 1.228       | 484         | 1.204       | 346         |
| Žepče         | 621         | 206         | 602         | 164         |
| <b>UKUPNO</b> | <b>5326</b> | <b>1817</b> | <b>5216</b> | <b>1381</b> |



Tabela 2. Iznos primanja i broj korisnika porodične invalidnine

| Kategorija                                      | Iznos (KM) |         |
|-------------------------------------------------|------------|---------|
|                                                 | 2013.g.    | 2014.g. |
| Jedan član porodice                             | 359,71     | 360,06  |
| Dva člana porodice                              | 460,10     | 460,55  |
| Tri člana porodice                              | 501,92     | 502,42  |
| Četiri i više članova porodice                  | 543,75     | 544,28  |
| Jedan roditelj neženjenog                       | 359,71     | 360,06  |
| Oba roditelja neženjenog                        | 418,27     | 418,68  |
| Jedan roditelj ženjenog sa drugim mj. prihodima | 83,65      | 83,74   |
| Oba roditelja ženjenog sa drugim mj. prihodima  | 125,48     | 125,60  |
| Jedan roditelj ženjenog bez drugih prihoda      | 225,87     | 226,09  |
| Oba roditelja ženjenog bez drugih prihoda       | 292,79     | 293,08  |
| Udovice bez djece                               | 167,31     | 167,47  |

Tabela 3. Iznos uvećanja i broj korisnika uvećane porodične invalidnine u 2013. i 2014.godini

| Kategorija                                                                     | Uvećanje (KM) | Korisnici  | Uvećanje (KM) | Korisnici  |
|--------------------------------------------------------------------------------|---------------|------------|---------------|------------|
|                                                                                | 2013.godina   |            | 2014.godina   |            |
| Jedno dijete bez oba roditelja                                                 | 292,79        | 27         | 293,08        | 21         |
| Dvoje djece bez oba roditelja                                                  | 376,44        | 0          | 376,81        | 0          |
| Troje i više djece bez oba roditelja                                           | 460,10        | 0          | 460,55        | 0          |
| Roditelji koji su izgubili jedino dijete                                       | 250,96        | 43         | 251,21        | 42         |
| Porodica sa više šehida/poginulih branilaca (uvećanje za svaku poginulu osobu) | 167,31        | 204        | 167,47        | 193        |
| <b>Ukupno</b>                                                                  |               | <b>274</b> |               | <b>256</b> |

## POGLAVLJE II. Novčana primanja ratnih vojnih invalida

Ratni vojni invalidi ostvaruju slijedeća novčana primanja:

- lična invalidnina
- dodatak na njegu i pomoć od drugog lica
- ortopedski dodatak

U narednim tabelama su dati pokazatelji o korisnicima ovih pravima po općinama Kantona:

Tabela 4. Iznos primanja i broj korisnika lične invalidnine u 2013. i 2014.godini

| Grupa invaliditeta | Iznos (KM)  | Korisnici    | Iznos (KM)  | Korisnici    |
|--------------------|-------------|--------------|-------------|--------------|
|                    | 2013.godina |              | 2014.godina |              |
| I                  | 837,36      | 83           | 837,36      | 81           |
| II                 | 610,67      | 149          | 611,27      | 150          |
| III                | 460,10      | 165          | 460,55      | 162          |
| IV                 | 359,71      | 265          | 360,06      | 255          |
| V                  | 267,69      | 549          | 267,96      | 543          |
| VI                 | 150,58      | 705          | 150,72      | 697          |
| VII                | 108,75      | 642          | 108,86      | 630          |
| VIII               | 58,56       | 902          | 58,62       | 891          |
| IX                 | 50,19       | 1.220        | 50,24       | 1.203        |
| X                  | 41,83       | 1.245        | 41,87       | 1.220        |
| <b>Ukupno:</b>     |             | <b>5.925</b> |             | <b>5.832</b> |

Tabela 5. Iznos primanja i broj korisnika dodatka za njegu i pomoć drugog lica u 2013. i 2014.godini

| Grupa invaliditeta | Iznos (KM)  | Korisnici | Iznos (KM)  | Korisnici |
|--------------------|-------------|-----------|-------------|-----------|
|                    | 2013.godina |           | 2014.godina |           |
| I                  | 837,36      | 67        | 837,36      | 65        |
| II                 | 585,58      | 18        | 586,15      | 18        |
| III                | 418,27      | 4         | 418,68      | 5         |
| <b>Ukupno:</b>     |             | <b>89</b> |             | <b>88</b> |

Tabela 6. Iznos primanja i broj korisnika ortopedskog dodatka u 2013. i 2014.godini

| Stepen oštećenja | Iznos (KM) | Korisnici    | Iznos (KM) | Korisnici    |
|------------------|------------|--------------|------------|--------------|
|                  | 2013.god.  |              | 2013.god.  |              |
| I                | 242,60     | 217          | 242,83     | 214          |
| I (uvećanje)     | 303,26     | 4            | 303,49     | 4            |
| II               | 184,04     | 371          | 184,22     | 364          |
| III              | 142,21     | 684          | 142,35     | 682          |
| <b>Ukupno:</b>   |            | <b>1.276</b> |            | <b>1.264</b> |

### POGLAVLJE III. Novčani dodatak dobitnika ratnih priznanja i odlikovanja

Zakonom o posebnim pravima dobitnika ratnih priznanja i odlikovanja i članova njihovih porodica utvrđeno je pravo na mjesečni novčani dodatak za dobitnike ratnih priznanja i odlikovanja i članove porodica poginulih, umrlih i nestalih dobitnika ratnih priznanja i odlikovanja, a o ostvarivanju ovog prava odlučuje Federalno ministarstvo. Visina mjesečnog novčanog dodatka za I grupu iznosi 309,68 KM, za II grupu 154,84 KM, a za III grupu 61,94 KM.

### POGLAVLJE IV. Isplate novčanih primanja

Ministarstvo za boračka pitanja vrši mjesečni obračun ovih primanja i isti dostavlja Federalnom ministarstvu, koje vrši isplatu istih prinaldžnosti korisnicima putem banaka.

Sredstva za isplatu naznačenih novčanih mjesečnih primanja osiguravaju se u Federalnom budžetu, a u skladu sa Instrukcijom Federalnog ministarstva br: 04-14-1557/14, od 17.03.2014. godine, počev od obračuna za mart 2014. godine, obračun invalidnina za sve korisnike se vrši bez umanjenja u punom iznosu (sa osnovicom od 867,50 KM i koeficijentom od 0,965257).

## **DIO ČETVRTI - DOPUNSKA PRAVA PO KANTONALNIM PROPISIMA**

Stupanjem na snagu Zakona o pravima branilaca i članova njihovih porodica ("Službene novine Federacije BiH" broj 33/04, isp.56/05 ) uspostavljen je na nivou Federacije BiH jedinstven pravni sistem u oblasti branilačko-invalidske zaštite za pripadnike Oružanih snaga RBiH i pripadnike ratnih postrojbi HVO, te osigurana jednobraznost u sticanju i ostvarivanju prava svih pripadnika branilačke populacije na nivou Federacije BiH. Federalni zakon faktički utvrđuje tri grupe prava: u prvu spadaju tzv. osnovna prava, koja su ista za sve branioce i članove njihovih porodica na teritoriji Federacije BiH, zbog čega se istim zakonom propisuje način i postupak njihovog ostvarivanja, a potrebna finansijska sredstva za realizaciju istih osiguravaju u Budžetu Federacije BiH: porodična invalidnina, uvećana porodična invalidnina, lična invalidnina, dodatak na njegu i pomoć drugog lica, ortopedski dodatak i pomoć u slučaju smrti ratnih vojnih invalida. II grupu prava Zakon propisuje u članu 7. odnosno spominje i načelno utvrđuje, praktički stavlja u obavezu kantonima da ta prava svojim propisima urede i finansiraju, s naznakom da "branioci i članovi njihovih porodica ostvaruju i druga prava, u skladu sa federalnim i kantonalnim propisima, koja nisu obuhvaćena istim Zakonom, i to:

- novčanu naknadu za vrijeme nezaposlenosti;
- prednost pri zapošljavanju pod jednakim uvjetima;
- prednost pri zakupu i otkupu poslovnog prostora pod jednakim uvjetima;
- prednost pri upisu u obrazovne ustanove pod jednakim uvjetima;
- besplatne obavezne udžbenike za redovno školovanje;
- prednost pri dodjeli stipendija i smještaju u đačke i studentske domove;
- zdravstvenu zaštitu;
- prioriteto pravo za rješavanje stambenog pitanja pod jednakim uvjetima;
- pomoć u slučaju smrti;
- prednost pri korištenju programa nadležnih zavoda za zapošljavanje;
- oslobađanje od plaćanja naknade troškova korištenja građevinskog zemljišta;
- ostvarivanje penzije pod povoljnijim uvjetima;
- druga prava u skladu sa posebnim propisima. "

Zakon dalje navodi da će se naznačena prava regulirati u skladu sa odredbama čl. 26. do 31. istog zakona, kojim se ističu obaveze kantona u vezi prava branilaca i članova njihovih porodica na zdravstvenu zaštitu, liječenje u inozemstvu, ortopedsko pomagalo, zapošljavanje i stambeno zbrinjavanje branilaca i članova njihovih porodica. Tako se utvrđuje obaveza nadležnog organa kantona da posebnim propisom utvrdi postupak i način ostvarivanja zdravstvene zaštite za lica koja nisu osigurana, saglasno odredbama Zakona o zdravstvenom osiguranju, kao i da utvrdi kriterije za ostvarivanje prava na liječenje u inozemstvu, prava na ortopedsko pomagalo te da svojim propisima osigura prioriteto rješavanje stambenih pitanja pripadnika branilačke populacije u skladu sa važećim propisima. Federalni zakon dalje navodi da kantonalni i federalni organi nadležni za reguliranje u oblasti zapošljavanja na odgovarajući način reguliraju prava iz oblasti zapošljavanja pri čemu će se za branilačku populaciju osigurati adekvatna podrška. Član 30. propisuje da kantonalni organi svojim propisima osiguravaju i druga dopunska prava u skladu sa odredbom člana 7. Zakona, prvenstveno za najugroženije kategorije, dok je članom 27. utvrđena obaveza nadležnih organa u bolnicama, ambulantama, općinama, sudovima i drugim javnim ustanovama o vidnom isticanju obavijesti o prednosti bez čekanja u redu za teže ratne vojne invalide i roditelje šehida i poginulih branilaca. Federalni zakon također predviđa donošenje federalnih propisa kojim se reguliše ostvarivanje penzije pod povoljnijim uvjetima za branioce i članove njihovih porodica te ostvarivanje drugih prava ove kategorije stanovništva, što predstavlja treću grupu prava po istom zakonu (također dopunskih), koje

pojedinačno ne spominje, već ostavlja mogućnost da kantoni, s obzirom na svoje specifičnosti, osiguraju još neka prava.

Zakonom o posebnim pravima dobitnika ratnih priznanja i odlikovanja i članova njihovih porodica ("Službene novine Federacije Bosne i Hercegovine" broj 70/05, 61/06 i 9/10) propisuje da ista lica imaju pravo na sva prava regulirana Zakonom o pravima branilaca i članova njihovih porodica i drugim propisima iz oblasti boračko-invalidske zaštite, kao i pravo na:

- 1) njegu i pomoć drugog lica pod uvjetima propisanim u Zakonu o pravima branilaca i članova njihovih porodica;
- 2) obavještanje o smrti putem javnih medija, organiziranje ukopa-sahrane uz državne počasti i pravo na ukopno mjesto na lokacijama zaslužnih ličnosti;
- 3) naknadu troškova ukopa-sahrane i podizanje nišana, odnosno nadgrobnih spomenika;
- 4) zdravstvenu zaštitu, liječenje u inozemstvu, banjsko liječenje u obimu koji je propisan za vojne invalide;
- 5) prioritet pri zapošljavanju pod jednakim uvjetima;
- 6) prioritet pri korištenju programa nadležnih službi za zapošljavanje pod jednakim uvjetima;
- 7) novčanu naknadu za vrijeme nezaposlenosti;
- 8) prioritet upisa u obrazovne ustanove pod jednakim uvjetima, besplatne obavezne udžbenike za redovno školovanje;
- 9) prioritet pri dodjeli stipendija i smještaj u đačke i studentske domove za redovne učenike i studente pod jednakim uvjetima;
- 10) prioritet pri rješavanju stambenog pitanja pod jednakim uvjetima;
- 11) prioritet pri zakupu ili otkupu poslovnog prostora pod jednakim uvjetima;
- 12) oslobođanje od plaćanja naknade za pogodnosti i naknade za uređenje građevinskog zemljišta i obaveze naknade za dodijeljeno gradsko-građevinsko zemljište;
- 13) povlastice u gradskom prijevozu u skladu sa važećim propisima;
- 14) mjesečni novčani dodatak;
- 15) povoljnije uvjete penzionisanja.

Zakon naglašava da se "Prioritetom pod jednakim uvjetima iz stava 1. tač. 5., 6., 8., 9., 10. i 11. ovog člana smatra prednost pod jednakim uvjetima u okviru boračke kategorije kojoj pripada lice iz člana 2. ovog Zakona (demobilizirani borci, ratni vojni invalidi, članovi porodice poginulog, umrlog ili nestalog borca).

U postupku donošenja Zakona o dopunskim pravima branilaca i članova njihovih porodica u Zeničko-dobojskom kantonu 2006.godine, kao i novog Zakona donesenog 2014.godine, ispoštovane su odredbe Federalnog zakona u pogledu prava koja kao dopunska trebaju biti regulisana na nivou kantona, uz naznaku i drugih prava koja pripadnici branilačke populacije već ostvaruju po osnovu budžetskih i poreznih propisa, akata Vlade Kantona, resornih ministarstava i općinskih vijeća, ali i prava koja bi trebali ostvarivati ubuduće.

Branioci i članovi njihovih porodica sa područja Kantona, u skladu sa Zakonom o dopunskim pravima branilaca i članova njihovih porodica i podzakonskim aktima koje je donijela Skupština i Vlada Kantona u realizaciji istog, ostvaruju slijedeća prava:

- a) Zdravstvena zaštita;
- b) Banjsko i klimatsko liječenje (medicinska rehabilitacija);
- c) Profesionalna rehabilitacija;
- d) Osiguranje povoljnijih uvjeta za zapošljavanje;
- e) Vanredna novčana pomoć;
- f) Prednosti u školovanju i stipendiranju;
- g) Rješavanje stambenog pitanja;
- h) Oslobođanje od plaćanja sudskih i administrativnih taksi;
- i) Sufinansiranje invalidskog sporta i obilježavanja značajnih datuma
- j) Podizanje nišana – nadgrobnog spomenika;

- k) Pomoć u slučaju smrti;
- l) Izgradnja prilaza do stambene zgrade;
- m) Posebna prava.

Evidentno je da Kantonalnim zakonom nisu predviđena sljedeća prava utvrđena naprijed naznačenim federalnim zakonima:

- prednost pri zakupu i otkupu poslovnog prostora pod jednakim uvjetima;

Ovo pravo je bilo u Nacrtu Zakona, ali je brisano na sugestiju branilačkih organizacija sa primjedbom o zanemarljivo malom broju slučajeva da pripadnici branilačke populacije otkupljuju i zakupljuju poslovne prostore.

- oslobađanje od plaćanja naknade troškova korištenja građevinskog zemljišta;

Također bilo u Nacrtu, brisano uz uvažavanje primjedbe Zakonodavnopravne komisije Skupštine i resornog ministarstva za poslove urbanizma zbog Federalnog zakona kojim je utvrđena zabrana istog oslobađanja.

- ostvarivanje penzije pod povoljnijim uvjetima;

Oblast koju regulišu isključivo federalni propisi.

Zakonom o dopunskim pravima branilaca i članova njihovih porodica je za dobitnike ratnih priznanja i odlikovanja utvrđeno pravo Prednosti u korištenju usluga zdravstvenih ustanova; pravo na Korištenje medicinske rehabilitacije u banjsko-klimatskim lječilištima u obimu propisanom za ratne vojne invalide; pravo Prioriteta u rješavanju stambenog pitanja; te u okviru posebnih prava kao lica sa naročitim zaslugama – "da u realizaciji prava na osiguranje povoljnijih uvjeta za zapošljavanje i prednosti u školovanju i stipendiranju iz ovog Zakona, prednost u okviru branilačke kategorije kojoj pripada (RVI, demobilizirani branilac, član porodice šehida/poginulog branioca) ima dobitnik ratnog priznanja ili odlikovanja odnosno član porodice poginulog, umrlog, nestalog branioca - dobitnika ratnog priznanja ili odlikovanja." Dakle osim naprijed naznačenih prava koje predviđaju federalni propisi a ne sadrži Kantonalni zakon i razloga za istu situaciju, Kantonalni zakon za dobitnike ratnih ne sadrži još jedino pravo na ostvarivanje povlastica u prijevozu.

## **POGLAVLJE I. Zdravstvena zaštita**

Branioци i članovi njihovih porodica ostvaruju pravo na zdravstvenu zaštitu iz obaveznog zdravstvenog osiguranja, saglasno odredbama Zakona o zdravstvenoj zaštiti i Zakona o zdravstvenom osiguranju, ukoliko to pravo ne mogu ostvariti po drugom osnovu. Ostvarivanje zdravstvene zaštite za lica koja nisu osigurana po istim osnovama, kao i prošireni obim prava iz oblasti zdravstvene zaštite branilaca i članova njihovih porodica, utvrdila je Skupština Kantona donošenjem Odluke o proširenom obimu prava iz oblasti zdravstvene zaštite za branioce i članove njihovih porodica, 2008.godine.

Dana 13.05.2015.godine, Skupština Kantona je na osnovu odredbi važećeg Zakona o dopunskim pravima branilaca i članova njihovih porodica donijela novu Odluku o proširenom obimu prava iz oblasti zdravstvene zaštite za branioce i članove njihovih porodica, koja će stupiti na snagu po objavljivanju u Službenim novinama ZDK. S tim u vezi izneseni podaci u Informaciji se odnose na još uvijek važeću Odluku donesenu po ovlaštenju iz ranijeg Zakona.

Istom Odlukom je regulisano i pitanje nabavke ortopedskih i drugih pomagala i njihova opravka, te osiguranje potrebnih lijekova i sanitetskog materijala za liječenje rana i povreda, posljedično vezanih za učešće u ratu.

## **A. Zdravstveno osiguranje**

Branioци i članovi njihovih porodica koji pravo na zdravstveno osiguranje ne mogu ostvariti po osnovu radnog odnosa, nezaposlenosti ili po drugom osnovu, pravo na zdravstveno osiguranje ostvaruju po osnovu Odluke o proširenom obimu prava iz oblasti zdravstvene zaštite za branioce i članove njihovih porodica.

Prijave i odjave, te reviziju prava na ovo osiguranje vrše općinske službe nadležne za poslove branilačko-invalidske zaštite.

Sa 31.12.2014.godine bilo je osigurano 1972 korisnika prava po ovom osnovu.

Odredbama nove Odluke je ukinuto postojeće ograničenje za korištenje prava na zdravstveno osiguranje po Odluci za nezaposlena lica koja su izgubila zdravstveno osiguranje putem Službe za zapošljavanje, te je predviđeno da zdravstveno osiguranje po Odluci mogu koristiti i lica koja imaju zdravstveno osiguranje u Republici Hrvatskoj a iz bilo kog razloga ne mogu ostvariti zdravstvenu zaštitu u mjestu prebivališta na području Kantona.

## **B. Nabavka ortopedskih i drugih pomagala i njihova opravka**

U skladu sa Odlukom o proširenom obimu prava iz oblasti zdravstvene zaštite, branioци i članovi njihovih porodica mogu ostvariti novčanu pomoć u svrhu:

- a) nabavku odgovarajućih proteza i drugih ortopedskih pomagala ukoliko iste ne mogu ostvariti po osnovu zdravstvenog osiguranja;
- b) ugradnju modulskih sklopova u standardne proteze kod visokih i dvostrukih amputacija donjih ekstremiteta;
- c) finansiranje ostalih potreba:
  - 1) sufinansiranje nabavke ortopedskih pomagala koji se nabavljaju na teret sredstava Zavoda, do visine pune nabavne cijene, i to:
    - invalidskih kolica sa sljedećim karakteristikama; težine do 12 kg; sklopiva i rasklopiva, pogodna za lakše savladavanje arhitektonskih barijera, sa dobrom i jednostavnom mogućnošću manevrisanja, pogodna za samostalno unošenje u automobil i sl.;
    - antidekubitalnih jastuka sa sljedećim karakteristikama: da dimenzijama odgovaraju veličini kolica, da imaju dovoljno ventila za puhanje čime se omogućava željeni balans u pojedinim dijelovima jastuka, da kvalitetom sprečavaju nastanak dekubitusa i dr.
    - antidekubitalnih madraca koji kvalitetom sprečavaju nastanak dekubitusa i doprinose što bržem zarastanju postojećih rana.
  - 2) nabavku tiftotehničkih pomagala za slijepe i slabovidne RVI: bijeli štap, naočale, slušni aparat i dr.
  - 3) finansiranje servisiranja, opravke i nabavke rezervnih dijelova za ortopedska pomagala u punom iznosu, nakon isteka garantnog roka.

Odlukom je utvrđen način i postupak za ostvarivanje ovog prava.

Napomena: Odredbama nove Odluke, na zahtjev UG RVI paraplegičara u ZDK, smanjuje se predviđena težina invalidskih kolica sa 12 na 10 kg, te se u vezi sa istim umjesto termina "rasklopiva" koristi termin "preklopiva".

Tokom 2012.godine iz navedenog transfera financirana je nabavka 16 ortopedskih pomagala za pojedince, nabavljeno je i dodjeljeno 30 invalidskih kolica, 1 invalidski skuter na električni pogon i jedna elekromotorna kolica; sufinansirana nabavka 19 tiftotehničkih pomagala, te sufinansirana nabavka 47 antidekubitalnih jastuka.

U 2013.godini iz navedenog transfera finansirana je nabavka 16 ortopedskih pomagala za pojedince.

Tokom 2014.godine iz navedenog transfera finansirana je nabavka 10 ortopedskih pomagala za pojedince, nabavljena su i dodjeljena 21 invalidska kolica na mehanički pogon, jedna elekromotorna kolica; jedan robot lifter, te sufinansirana nabavka 44 antidekubitalna jastuka.

Prema Zaključcima Vlade broj: 02-14-16182/14 od 14.08.2014.godine i 02-14-16159/14 od 14.08.2014.godine, raspisan je javni poziv za dodjelu ugovora za nabavku invalidskih kolica, robot liftera i antidekubitalnih jastuka za potrebe RVI - paraplegičara RVI, te je za ovu namjenu utrošeno 96.400,00KM odnosno 61,17% rapoloživih sredstava.

Sumarno je utrošeno 101.036,87KM, odnosno 64,11% sredstava.

### C. Liječenje i nabavka lijekova

Branici i članovi njihovih porodica mogu ostvariti pravo na novčanu pomoć za:

a) naknade troškova specijalističkog pregleda, nabavke lijekova i sanitetskog materijala za potrebe RVI u cilju liječenja rana posljedično vezanih za učešće u ratu;

b) liječenje i nabavku lijekova.

Odlukom su detaljnije utvrđeni uvjeti, način i postupak za ostvarivanje ovog prava.

Tabela 7. Liječenje i nabavka lijekova u 2013. i 2014.godini

| Godina                               | 2013.          | 2014.          |
|--------------------------------------|----------------|----------------|
| Podneseni zahtjevi                   | 1.325          | 1.401          |
| Odbijeni zahtjevi                    | 220            | 62             |
| Odobreni zahtjevi                    | 1.105          | 1.339          |
| <b>Iznos odobrenih sredstava(KM)</b> | <b>491.500</b> | <b>578.700</b> |

Period 2010.-2014. godina - Iznos odobrenih sredstava: 2.041.524,00KM.

Kako je vidljivo iz gore navedenog, u periodu 2010.-2014.godina prosječno je godišnje za ostvarivanje ovog prava utrošeno 408.304,80 KM te utrošak od 578.700,00 KM u 2014.godini ukazuje na porast potreba za ovim vidom pomoći.

### D. Ostala prava iz oblasti zdravstvene zaštite

Branici i članovi njihovih porodica, u skladu sa Zakonom, u ustanovama iz oblasti zdravstva imaju prednost bez čekanja u redu, te u skladu sa federalnim i kantonalnim propisima koji regulišu ovu oblast, pravo na liječenje u inozemstvu.

## POGLAVLJE II. Medicinska rehabilitacija

Branici i članovi njihovih porodica, koji su djelomično ili potpuno izgubili svoju radnu sposobnost zbog ratnih povreda i oboljenja u vezi sa vršenjem vojnih dužnosti u ratu, ili su zadobili povrede ili su oboljeli u miru, u skladu sa Zakonom i Uredbom o medicinskoj rehabilitaciji branilaca i članova njihovih obitelji u banjско-klimatskim lječilištima, mogu ostvariti pravo na medicinsku rehabilitaciju u banjско-klimatskom lječilištu, ukoliko je prema medicinskim indikacijama takvo liječenje potrebno.

Banjско-klimatsko liječenje, prema Zakonu, podrazumijeva liječenje koje je neophodno kao nastavak liječenja od posljedica ranjavanja, povređivanja i bolesti koje su propisane kao indikacije za to liječenje, a koje se obavlja u specijalizovanim zdravstvenim ustanovama u kojima se u liječenju primjenjuje i prirodni faktor, drugim zdravstvenim ustanovama u kojima se liječenje

obavlja pretežno prirodnim faktorom, kao i u ustanovama i privrednim društvima osnovanim za liječenje, odmor i rekreaciju u kojima se u liječenju primjenjuje prirodni faktor.

Svrha medicinske rehabilitacije nije samo izlječenje ili ublaženje bolesti, nego i maksimalno osposobljavanje organizma u somatskom i psihičkom funkcioniranju, što se postiže razvijanjem, u najvećoj mogućoj mjeri, preostalih fizičkih i psihičkih osobina. Napredak medicine omogućava takve terapijske i funkcionalne zahvate, pa se medicinskom rehabilitacijom postiže takav efekat da se najveći dio povrijeđenih i oboljelih osoba može da vrati svojim profesionalnim i drugim aktivnostima, odnosno da se preostala zdravstvena i radna sposobnost što više poboljša. Sve terapije i metode su pod nadzorom specijalista fizijatara, fizioterapeuta i drugog medicinskog osoblja, a što je itekako potrebno velikom broju pripadnika branilačke populacije.

Medicinska rehabilitacija se ne primjenjuje kod osoba koje, i pored indicirajućih oboljenja za takvo liječenje, imaju i druga oboljenja koja su kontraindikativna i kod kojih bi primjena iste, odnosno primjena hidroterapije, mogla dovesti do pogoršanja zdravstvenog stanja.

Ovaj vid zaštite branilaca i članova njihovih porodica obavlja se u prirodnim lječilištima u kojima se u procesu liječenja u terapiji primjenjuje, pored prirodnog faktora (termalne mineralne vode) i banjsko-fizikalno liječenje, u periodu od 14 dana, a izuzetno, na prijedlog fizijatra i do 28 dana.

U prošloj kao i prethodnih godina, medicinska rehabilitacija se sprovodila u Banjsko-rekeacionom centru "Aquaterrm" u Olovu, Rekreativno rehabilitacionom centru "Fojnica" u Fojnici i Centru za fizikalnu medicinu, rehabilitaciju i banjsko liječenje "Ilidža" u Gradačcu, sa kojima je Ministarstvo za boračka pitanja imalo u tom smislu sklopljene posebne dugoročne ugovore.

U skladu sa Zakonom o javnim nabavkama u BiH, u toku je procedura izbora najpovoljnije ponude za pružanje usluga medicinske rehabilitacije pripadnicima branilačke populacije sa područja Kantona u narednom periodu.

U dosadašnjem periodu najveći broj upućenih korisnika je bio u BRC "Aquaterrm" iz Olova, jer su isti veoma zadovoljni nivoom zdravstvenih i drugih usluga pruženih u ovom lječilištu, dok se u RRC "Fojnica" upućuju na liječenje teško pokretni ili potpuno nepokretni pacijenti, s obzirom da lječilište raspolaže liftovima, kao i pacijenti kojima je predložena kardio-vaskularna rehabilitacija, za koju je lječilište osposobljeno. U banju "Ilidža" Gradačac upućuju se uglavnom, pripadnici branilačke populacije iz općina koje geografski gravitiraju tom lječilištu, te (također zbog lifta) teško pokretni pacijenti.

Uredbom su podrobno utvrđeni uvjeti, način i postupak realizacije ovog prava.

Tabela 8. Pregled osnovnih pokazatelja ostvarivanja medicinske rehabilitacije u periodu 2013.- 2014.g.

| <b>Godina</b>              | <b>2013.</b> | <b>2014.</b> |
|----------------------------|--------------|--------------|
| Podneseni zahtjevi         | 561          | 608          |
| Odbijeni zahtjevi          | 305          | 305          |
| Odobreni zahtjevi RVI      | 133          | 148          |
| Odobreni zahtjevi pratioci | 12           | 15           |
| Odobreni zahtjevi PPB      | 50           | 41           |
| Odobreni zahtjevi DB       | 111          | 119          |
| Odobreni zahtjevi - ukupno | 306          | 326          |
| Iznos odobrenih sredstava  | 201.498      | 210.483      |



### **POGLAVLJE III. Stipendiranje i školovanje**

#### **A. Stipendije za studente – branioci i članove njihovih porodica**

Članom 23. Zakona utvrđeno je pravo branilaca i članova njihovih porodica na dodjelu stipendije za redovni studij na visokoškolskim ustanovama, a Uredbom o stipendiranju redovnog studija branilaca i članova njihovih porodica, utvrđena je visina stipendija, te uvjeti, način i postupak dodjele istih.

Pravo na dodjelu stipendije imaju:

- a) dobitnici ratnih priznanja ili odlikovanja; ratni vojni invalidi; demobilizirani branioci koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu;
- b) članovi porodice šehida, poginulih, umrlih i nestalih branilaca; članovi uže porodice poginulih, umrlih ili nestalih dobitnika ratnog priznanja ili odlikovanja;
- c) djeca dobitnika ratnih priznanja ili odlikovanja i djeca ratnih vojnih invalida - do navršene 30. godine života; djeca demobiliziranih branilaca koji su u periodu od 06.04.1992. do 23.12.1995.g. u sastavu OS proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu - do navršene 30. godine života;
- d) djeca šehida, poginulog, umrlog, nestalog branioca, kojima je prestalo pravo na porodičnu invalidninu - do navršene 35. godine života;
- e) djeca poginulog, umrlog ili nestalog dobitnika ratnog priznanja ili odlikovanja, kojima je prestalo pravo na mjesečni novčani dodatak i djeca umrlog ratnog vojnog invalida koja nisu korisnici prava na porodičnu invalidninu - do navršene 30. godine života;
- f) djeca umrlog demobiliziranog branioca koji je u redovima OS proveo najmanje dvije godine i koje je sa istim živjelo u zajedničkom domaćinstvu ili ga je isti izdržavao najmanje posljednju godinu dana prije smrti - do navršene 30. godine života.

Visina stipendije iznosi 800 KM za prvu godinu studija i 1200 KM za drugu i ostale godine studija, a isplata se vrši u osam jednakih mjesečnih rata po 100, odnosno 150 KM.

Stipendije se dodjeljuju kandidatima izabranim po osnovu rezultata konkursa, kojeg za svaku studijsku godinu raspisuje Ministarstvo za boračka pitanja i koji se objavljuje u jednom od dnevnih listova sa područja BiH, a obavještenje o konkursu se daje i putem drugih medija.

Stipendija se ne dodjeljuje studentima koji su: apsolventi; koji u tekućoj studijskoj godini na istom ili drugom fakultetu ponovno upisuju istu godinu studija; koji su na vanrednom studiju; koji primaju kredit ili stipendiju drugog davaoca; te studentima čiji prihod po članu domaćinstva prelazi iznos od 80% prosječne neto plaće isplaćene u Kantonu u prethodnoj godini (ovo se ne odnosi na članove porodica šehida, poginulog, umrlog, nestalog branioca i umrlog RVI i članove uže porodice poginulog, umrlog ili nestalog dobitnika ratnog priznanja ili odlikovanja).

Stipendija se dodjeljuje samo jednom kandidatu iz jednog porodičnog domaćinstva sa izuzetkom za kandidate - djecu šehida, poginulih, umrlih i nestalih branilaca, umrlih ratnih vojnih invalida i umrlih demobiliziranih branilaca.

Prijavu na konkurs kandidati podnose resornoj općinskoj službi, a izbor stipendista vrši se na osnovu ostvarenog uspjeha kandidata u prethodno završenoj školskoj/studijskoj godini; socijalno-ekonomske situacije te ostvarenih ratnih priznanja, ratnog staža i invaliditeta roditelja.

Bez bodovanja stipendija se dodjeljuje dobitnicima ratnih priznanja ili odlikovanja; ratnim vojnim invalidima; demobiliziranim braniocima; te članovima porodica šehida, poginulih, umrlih, nestalih branilaca, poginulih, umrlih ili nestalih dobitnika ratnog priznanja ili odlikovanja, djeci

umrlih RVI, umrlih demobiliziranih branilaca, djeci RVI sa procentom invaliditeta 70% i više i kandidatima sa procentom invaliditeta 70% i više.

Uredbom su detaljnije utvrđeni uvjeti, način i postupak realizacije ovog prava.

Sredstva za stipendiranje osiguravaju se u Budžetu Kantona u visini od najmanje 10% ukupnih budžetskih sredstava Ministarstva za boračka pitanja, a iznos opredijeljenih sredstava po općinama određuje se na osnovu procentualnog učešća pripadnika branilačke populacije u odnosu na njihov ukupan broj u Kantonu.

Ministarstvo redovno sačinjava informaciju o provedenom konkursnom postupku i izvršenom izboru stipendista za svaku studijsku godinu, i istu podnosi na razmatranje Vladi Kantona.

U narednoj tabeli dat je pregled broja dodijeljenih stipendija i iznosi sredstava za period od akademske 2012/2013. i 2013/2014.godina.

Iz ovog pregleda je vidljiv kontinuiran rast iznosa sredstava za realizaciju ovog prava, ali povećanje broja zahtjeva ukazuje na potrebu daljnjeg povećanja iznosa sredstava u ovu svrhu.

Tabela 9. Pregled odobrenih stipendija za akademske godine u periodu 2012.-2014.godina

| R.br.          | Općina            | 2012/2013    |                  | 2013/2014    |                  |
|----------------|-------------------|--------------|------------------|--------------|------------------|
|                |                   | PBP          | KM               | PBP          | KM               |
| 1              | <b>Breza</b>      | 50           | 52.400           | 50           | 53.600           |
| 2              | <b>Doboj Jug</b>  | 48           | 54.000           | 52           | 56.400           |
| 3              | <b>Kakanj</b>     | 104          | 115.600          | 100          | 111.200          |
| 4              | <b>Maglaj</b>     | 116          | 124.800          | 121          | 131.200          |
| 5              | <b>Olovo</b>      | 62           | 66.800           | 61           | 66.800           |
| 6              | <b>Tešanj</b>     | 152          | 168.400          | 129          | 139.600          |
| 7              | <b>Usora</b>      | 26           | 30.000           | 29           | 32.000           |
| 8              | <b>Vareš</b>      | 51           | 57.200           | 58           | 60.000           |
| 9              | <b>Visoko</b>     | 140          | 153.600          | 127          | 143.200          |
| 10             | <b>Zavidovići</b> | 168          | 178.000          | 165          | 177.200          |
| 11             | <b>Zenica</b>     | 322          | 354.400          | 316          | 345.200          |
| 12             | <b>Žepče</b>      | 121          | 129.200          | 126          | 134.000          |
| <b>Ukupno:</b> |                   | <b>1.360</b> | <b>1.484.400</b> | <b>1.334</b> | <b>1.450.400</b> |

## B. Prednosti u školovanju branilaca i članova njihovih porodica

Članovima 20.-23. Zakona utvrđene su prednosti u oblasti školovanja za branioca i članove njihovih porodica, dok su Uredbom koju je donijela Vlada Kantona, propisani uvjeti, način i postupak ostvarivanje istih.

Tako ratni vojni invalid, demobilizirani branilac, dijete šehida, poginulog, umrlog, nestalog branioca, dijete ratnog vojnog invalida i dijete demobiliziranog branioca, koji je redovni student ili učenik, ako ukupan prihod njegovog domaćinstva ne prelazi iznos prosječne neto plaće isplaćene u Federaciji BiH u prethodnoj godini, ima pravo:

- prvenstva pod jednakim uvjetima pri upisu u obrazovnu ustanovu čiji je osnivač Kanton ili općina, odnosno smještaju u đачki i studentski dom na području Kantona;
- na besplatan upis u novu školsku/studijsku godinu u srednjoškolskoj i visokoškolskoj ustanovi čiji je osnivač Kanton ili općina.

Djeca branilaca mogu ostvariti pravo na novčanu pomoć za nabavku obaveznih udžbenika za potrebe redovnog obrazovanja u osnovnim i srednjim školama na području Kantona, u visini 100

KM - za udžbenike osnovne škole i 150 KM - za udžbenike srednje škole. Ova se pomoć ne dodjeljuje djeci koja obnavljaju istu godinu školovanja; čiji su članovi porodičnog domaćinstva samostalni obrtnici te čija primanja po članu porodičnog domaćinstva prelaze iznos od 200 KM.

Pomoć se dodjeljuje po osnovu rezultata konkursa, kojeg za svaku studijsku godinu raspisuje Ministarstvo za boračka pitanja, a prijave na isti roditelji učenika podnose resornim općinskim službama. Kriteriji za izbor kandidata su ostvaren uspjeh u prethodno završenoj školskoj godini; socijalno-ekonomske situacija te ratni staž i invaliditet roditelja.

Bez bodovanja ova pomoć se dodjeljuje djeci poginulih, umrlih, nestalih dobitnika ratnog priznanja ili odlikovanja, djeci umrlih RVI i umrlih demobiliziranih branilaca, a u slučajevima izuzetno teške socijalno-ekonomske situacije, na posebno obrazloženi prijedlog općinske službe u tom smislu, Ministarstvo može odlučiti o dodjeli novčane pomoći kandidatu koji nije ostvario dovoljno bodova za izbor po konkursu.

Na osnovu izvršenog bodovanja po kriterijima općinske službe sačinjavaju liste kandidata i iste dostavljaju Ministarstvu, koje donosi odluku o dodjeli pomoći, pri čemu se iznos opredijeljenih sredstava po općinama određuje na osnovu procentualnog učešća pripadnika branilačke populacije u odnosu na njihov ukupan broj u Kantonu.

Pregled visine dodijeljenih sredstava za pomoć u nabavci udžbenika u 2013. i 2014. godini

|              |   |            |
|--------------|---|------------|
| 2013. godina | - | 628.900 KM |
| 2014. godina | - | 548.250 KM |

#### **POGLAVLJE IV. Pomoć u rješavanju stambenog pitanja**

Članovima 24.-27. Zakona, te odredbama Uredbe o pomoći u rješavanju stambenog pitanja branilaca i članova njihovih porodica, koju je donijela Vlada Kantona, utvrđeno je pravo na pomoć u rješavanju stambenog pitanja za braniocima i članove njihovih porodica, uz utvrđeni redoslijed prioriteta:

- a) dobitnici ratnih priznanja ili odlikovanja iz člana 5. stav 3. Federalnog zakona;
- b) djeca šehida, poginulih, umrlih, nestalih branilaca bez oba roditelja i ratni vojni invalidi sa oštećenjem organizma od 100% I grupe;
- c) porodice sa dva i više šehida, poginulih, umrlih, nestalih branilaca i ratni vojni invalidi sa oštećenjem organizma od 100% II grupe;
- d) članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5. stav 3. Federalnog zakona;
- e) porodice šehida, poginulih, umrlih, nestalih branilaca i ratni vojni invalidi sa oštećenjem organizma od 90%, 80% i 70%;
- f) članovi uže porodice poginulih, umrlih ili nestalih dobitnika ratnih priznanja ili odlikovanja iz člana 5. stavovi 4. i 5. Federalnog zakona i umrlih ratnih vojnih invalida;
- g) ostali dobitnici ratnih priznanja ili odlikovanja;
- h) ratni vojni invalidi sa oštećenjem organizma od 20% do 60%;
- i) demobilizirani branioci;
- j) udovica umrlog demobiliziranog branioca iz člana 3. tačka a) Uredbe;
- k) roditelji umrlog ratnog vojnog invalida ili demobiliziranog branioca iz člana 3. tačka b) Uredbe.

Uredbom su utvrđeni uvjeti, način i postupak dodjele sredstava u istu svrhu, te ostala pitanja od značaja za ostvarivanje ovog prava.

Uredbom je utvrđeno da pravo na pomoć za stambeno zbrinjavanje imaju branioci i članovi njihovih porodica sa prebivalištem na području Kantona, te povratnici u Republiku Srpsku koji

ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

Pomoć u rješavanju stambenog pitanja branilaca i članova njihovih porodica vrši se putem:

- a) prijenosa prava vlasništva na stanovima dodijeljenim na korištenje od strane Vlade Kantona;
- b) odobravanjem sredstava općinama u svrhu kupovine i izgradnje stambenih jedinica;
- c) dodjelom jednokratnih bespovratnih novčanih sredstava u svrhu:
  - 1) izgradnje stambenog objekta s ciljem trajnog stambenog rješavanja;
  - 2) kupovine individualnog stambenog objekta ili stana na osnovu ugovora zaključenog u prethodnoj ili tekućoj kalendarskoj godini;
  - 3) prilagođavanja stambenog objekta posebnim potrebama ratnih vojnih invalida.
  - 4) sufinansiranja izdavanja dozvole za gradnju i sufinansiranja legalizacije stambenog objekta.

#### **A. Novčana pomoć za stambeno zbrinjavanje**

Pravo na novčanu pomoć za trajno stambeno zbrinjavanje branioci i članovi njihovih porodica, u skladu sa Uredbom, ostvaruju pod uvjetom da:

- a) imaju prebivalište na području Kantona u trajanju od najmanje tri godine neprekidno, osim povratnika u Republiku Srpsku;
- b) prava iz oblasti branilačko-invalidske zaštite ostvaruju u općinama Kantona;
- c) nemaju riješeno stambeno pitanje na području Bosne i Hercegovine;
- d) posjeduju valjanu dokumentaciju za izgradnju ili kupovinu stambenog objekta;
- e) nisu bili korisnici nepovratnih sredstava Federalnog, Kantonalnog ili općinskog budžeta, donatorskih sredstava i ostalih sredstava dodjeljenih u svrhu stambenog zbrinjavanja u iznosu većem od 5.000,00 KM;
- f) nisu izvršili zamjenu, prodaju ili poklon stambenog objekta u ličnom ili vlasništvu članova zajedničkog domaćinstva;
- g) oni i članovi njihovog porodičnog domaćinstva nisu vlasnici ili suvlasnici subjekta koji obavlja privrednu ili drugu djelatnost, registriranog kao pravno ili fizičko lice;
- h) da ukupna primanja domaćinstva demobiliziranog branioca i RVI sa stepenom invalidnosti 20% do 60% ne prelazi iznos prosječne neto plaće isplaćene u Federaciji.

Na osnovu primljene obavijesti Ministarstva u tom smislu, općinske službe objavljuju oglas o mogućnosti podnošenja zahtjeva za dodjelu sredstava na ime trajnog stambenog zbrinjavanja, sa rokom prijave od minimalno 15 dana. Prijavu na oglas kandidati podnose općinskoj službi prema mjestu prebivališta odnosno boravišta.

Posebna stručna komisija općinske službe razmatra podnesene zahtjeve i vrši neposredni uviđaj postojeće stambene situacije na licu mjesta te u skladu sa Uredbom utvrđenim prioritetima utvrđuje listu prvenstva za odobravanje sredstava.

Uredbom su detaljnije utvrđeni uvjeti, način i postupak realizacije ovog prava.

U skladu sa Budžetom utvrđenim iznosom sredstava u ovu svrhu za svaku godinu, iznos opredijeljenih sredstava po općinama određuje se na osnovu procentualnog učešća pripadnika branilačke populacije u odnosu na njihov ukupan broj u Kantonu.

U narednoj tabeli dati su neki pokazatelji rješavanja stambenog pitanja RVI 100 % I grupe, ostalih kategorija RVI, dobitnika najviših ratnih priznanja i odlikovanja, porodica šehida/poginulih branilaca, demobiliziranih branilaca, te djece šehida/poginulih branilaca bez oba roditelja.

Tabela 10. – Pregled rješavanja stambenog pitanja branilaca i članova njihovih porodica po godinama

| Godina        | Kategorija       |              |                            |                    |                   |                         | Ukupno | Iznos iz Budžeta ZDK (KM) | Iznos iz Budžeta FBiH (KM) |
|---------------|------------------|--------------|----------------------------|--------------------|-------------------|-------------------------|--------|---------------------------|----------------------------|
|               | RVI 100% I grupe | RVI 20%-100% | Dobitnici ratnog priznanja | Porodice šehida/PB | Demobil. branioci | Djeca bez oba roditelja |        |                           |                            |
| 2003.         | 10               | 192          | 0                          | 132                | 311               | 0                       | 645    | 1.069.833,70              | 500.000,00                 |
| 2004.         | 1                | 306          | 1                          | 269                | 914               | 4                       | 1495   | 2.902.433,00              | 72.677,00                  |
| 2005.         | 9                | 112          | 1                          | 78                 | 331               | 6                       | 537    | 2.271.200,00              | 0,00                       |
| 2006.         | 8                | 138          | 20                         | 69                 | 408               | 5                       | 648    | 2.927.160,00              | 291.500,00                 |
| 2007.         | 0                | 152          | 0                          | 126                | 495               | 2                       | 775    | 3.240.456,42              | 0,00                       |
| 2008.         | 3                | 214          | 12                         | 140                | 399               | 4                       | 772    | 3.421.023,34              | 0,00                       |
| 2009.         | 2                | 126          | 6                          | 68                 | 242               | 0                       | 444    | 2.195.000,00              | 135.000,00                 |
| 2010.         | 0                | 77           | 1                          | 80                 | 322               | 1                       | 481    | 2.668.200,00              | 0,00                       |
| 2011.         | 3                | 24           | 3                          | 114                | 493               | 1                       | 738    | 2.949.742,28              | 0,00                       |
| 2012.         | 2                | 71           | 2                          | 52                 | 415               | 3                       | 545    | 2.405.800,00              | 0,00                       |
| 2013.         | 1                | 33           | 4                          | 18                 | 147               | 0                       | 203    | 1.325.517,53              | 0,00                       |
| 2014.         | 0                | 1            | 2                          | 3                  | 16                | 0                       | 22     | 297.637,00                | 0                          |
| <b>Ukupno</b> | 39               | 1.446        | 52                         | 1.149              | 4.493             | 26                      | 7.305  | 27.674.003,27             | 999.177                    |

#### **B. Dodjela sredstava općinama u cilju stambenog zbrinjavanja branilaca i članova njihovih porodica**

Programom utroška sredstava na budžetskoj stavci Ministarstva za boračka pitanja predviđeno je izdvajanje sredstava sa transfera Kapitalni grantovi drugim nivoima vlasti u svrhu pomoći za izgradnju kolektivnih stambenih objekata branilaca i članova njihovih porodica i izgradnju infrastrukture naselja branilaca i članova njihovih porodica.

Utrošak sredstava sa ovog transfera se vrši na osnovu odluka Vlade Federacije BiH o izdvajanju sredstava iz Budžeta FBiH i zaključaka Vlade Kantona o odobravanju sredstava, na prijedlog Ministarstva za boračka pitanja.

Ministarstvo redovno sačinjava informaciju o stambenom zbrinjavanju branilaca i članova njihovih porodica odnosno provođenju postupka dodjele novčanih sredstava u tom smislu za svaku budžetsku godinu, i istu podnosi na razmatranje Vladi Kantona.

#### **POGLAVLJE V. Vanredna novčana pomoć**

Uredbom o vanrednoj novčanoj pomoći braniocima i članovima njihovih porodica, koju je donijela Vlada Kantona, utvrđena je visina ove naknade, te uvjeti, način i postupak dodjele iste.

Korisnici prava po ovoj Uredbi mogu biti:

- dobitnici ratnih priznanja ili odlikovanja;
- ratni vojni invalidi;
- demobilizirani branioci koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili neposredno po punoljetstvu;
- članovi porodice šehida, poginulih, umrlih i nestalih branilaca i umrlih ratnih vojnih invalida;
- članovi uže porodice poginulih, umrlih ili nestalih dobitnika ratnog priznanja ili odlikovanja.

Korisnici prava po ovoj Uredbi mogu biti dobitnici ratnih priznanja i odlikovanja, RVI, demobilizirani branioci, članovi porodice šehida, poginulih, umrlih i nestalih branilaca, članovi uže

porodice poginulih, umrlih ili nestalih dobitnika ratnog priznanja ili odlikovanja te članovi porodice umrlih RVI i demobiliziranih branilaca, a koji ispunjavaju uvjete u pogledu prebivališta na području Kantona, ratnog staža, te ukupnih primanja porodičnog domaćinstva. Zahtjev za pomoć podnose općinskoj službi, koja formira komisiju čiji je zadatak da nakon kompletiranja dokumentacije i po potrebi neposrednog uviđaja u situaciju podnosioca zahtjeva, sačini izvještaj sa prijedlogom o dodjeli pomoći. Na osnovu istog prijedloga općinska služba donosi rješenje o priznavanju prava na novčanu naknadu u iznosu do 300 KM odnosno rješenje o odbijanju zahtjeva. Ukoliko se radi o većem iznosu potrebne pomoći, obrazložen prijedlog u tom smislu sa kompletnom dokumentacijom podnosioca zahtjeva dostavlja se posebnoj komisiji Ministarstvu za boračka pitanja. Nakon razmatranja i ocjene opravdanosti dostavljenih prijedloga općinskih službi i eventualno izvršenih posebnih provjera u tom smislu, Komisija dostavlja ministru Ministarstva obrazložen stav o opravdanosti ili odbijanju zahtjeva, sa prijedlogom o dodjeli novčane pomoći.

Uredbom su podrobnije utvrđeni uvjeti, način i postupak realizacije ovog prava.

Prilikom raspodjela sredstava sa ovog transfera Ministarstva, kao osnov se koristi procentualno učešće pripadnika branilačke populacije po općinama u odnosu na ukupni broj pripadnika branilačke populacije u Kantonu.

U narednoj tabeli dati su podaci o visini sredstava izdvojenih iz Bužeta Kantona za realizaciju ovog vida pomoći, po godinama, za period 2010.-2014. godina.

Tabela 11. - Pregled odobrenih sredstava novčane pomoći po godinama

| Godina | Iznos (KM) |
|--------|------------|
| 2010.  | 256.120    |
| 2011.  | 369.930    |
| 2012.  | 513.900    |
| 2013.  | 544.660    |
| 2014.  | 819.150    |

Tabela 11a. - Pregled odobrenih zahtjeva za dodjelu novčane pomoći po kategorijama branilaca u periodu 2010.-2014.god.

| Kategorije                    | Godina |       |       |       |       |
|-------------------------------|--------|-------|-------|-------|-------|
|                               | 2010.  | 2011. | 2012. | 2013. | 2014. |
| Ratni vojni invalidi          | 202    | 163   | 226   | 234   | 248   |
| Porodice šehida/pog.branilaca | 12     | 15    | 29    | 28    | 64    |
| Demobilizirani branioci       | 815    | 1128  | 1609  | 1788  | 2228  |
| Ukupno odobrenih zahtjeva     | 1029   | 1306  | 1864  | 2050  | 2540  |

## POGLAVLJE VI. Osiguranje povoljnijih uvjeta za zapošljavanje

Članom 15. Zakona je utvrđena prednost pri zapošljavanju, pod jednakim uvjetima i u skladu sa propisima iz oblasti radnog zakonodavstva, za ratne vojne invalide, demobilizirane braniocima i članove porodice šehida, poginulog, umrlog, nestalog branioca koji je na evidenciji Službe za zapošljavanje Kantona, osim ako im je radni odnos, zasnovan po osnovu ranije ostvarene prednosti pri zapošljavanju prestao njihovom krivicom ili je dobio otpremninu. Za ista lica je Zakonom predviđena i prednost pri korištenju programa Službe za zapošljavanje ZDK namijenjenih trajnom zapošljavanju.

U narednoj tabeli dat je pregled pripadnika branilačke populacije koji su na evidenciji Službe za zapošljavanje, sa stanjem u mjesecu maju 2015. godine.

Tabela 12. – Pregled broja branilaca i članova njihovih porodica na evidenciji Službe za zapošljavanje

| Općina        | Kategorija    |             |            | Ukupno        |
|---------------|---------------|-------------|------------|---------------|
|               | DB            | PŠiPB       | RVI        |               |
| Breza         | 226           | 848         | 10         | 1084          |
| Doboj Jug     | 220           | 9           | 11         | 240           |
| Kakanj        | 666           | 2315        | 47         | 3028          |
| Maglaj        | 971           | 519         | 85         | 1575          |
| Olovo         | 226           | 962         | 21         | 1209          |
| Tešanj        | 1771          | 95          | 99         | 1965          |
| Usora         | 261           | 8           | 12         | 281           |
| Vareš         | 283           | 12          | 24         | 319           |
| Visoko        | 1468          | 143         | 77         | 1688          |
| Zavidovići    | 1122          | 1680        | 141        | 2943          |
| Zenica        | 3047          | 270         | 228        | 3545          |
| Žepče         | 1046          | 2499        | 78         | 3623          |
| <b>Ukupno</b> | <b>11.307</b> | <b>9360</b> | <b>833</b> | <b>21.500</b> |

U cilju otvaranja novih radnih mjesta namijenjenih zapošljavanju branilaca i članova njihovih porodica, Ministarstvo za boračka pitanja dodjeljuje posebna kreditna sredstva, u skladu sa posebnom uredbom koju je na osnovu Zakona donijela Vlada Kantona a kojom je utvrđena visinu novčanih sredstava u ovu svrhu, kriteriji, način i postupak dodjele istih, kao i ostala pitanja od značaja za ostvarivanje ovog prava.

Maksimalna vrijednost kredita je 30.000,00 KM.

Kredit se dodjeljuje pod slijedećim uvjetima: rok otplate do 10 godina, grace period do 24 mjeseca, kamatna stopa 3% godišnje, zatezna kamata 3% godišnje, dok instrumente osiguranja vraćanja kredita određuje izabrana banka, u skladu sa pravilima struke.

Uredbom su detaljnije utvrđeni uvjeti, način i postupak realizacije ovog prava.

Krediti se realizuju putem izabrane banke, koja kvartalno izvještava Ministarstvo o realizaciji obaveza po dodijeljenim kreditima.

U proteklom periodu je zaključeno ukupno 160 ugovora o korištenju ovog kredita, od čega je u potpunosti realizovano (izvršen povrat kreditnih sredstava) u 38 slučajeva.

## **POGLAVLJE VII. Sufinansiranje sportskih aktivnosti ratnih vojnih invalida**

Uredbom o sufinansiranju sportskih aktivnosti ratnih vojnih invalida, koju je donijela Vlada Kantona na osnovu odredbi Zakona koje predviđaju izdvajanje sredstava u svrhu participacije troškova sportskih manifestacija i invalidskog sporta branilaca - ratnih vojnih invalida, utvrđena je mogućnost sufinansiranja sportskih aktivnosti invalidskog sporta u svrhu:

- učešća u sportskim takmičenjima i manifestacijama invalidskih sportskih klubova i pojedinaca u invalidskim sportovima;
- organizovanja sportsko-rekreacionih takmičenja i aktivnosti, te manifestacija u sportu i rekreaciji invalidnih lica;
- rada invalidskih sportskih saveza i asocijacija;
- rada sportskih organizacija koje okupljaju ratne vojne invalide.

Uredbom se osiguravaju i sredstva kantonalnim udruženjima ratnih vojnih invalida za održavanje sportskih manifestacija.

Programom utroška sredstava Ministarstva je utvrđen način i postupak realizacije ovog prava.

U narednoj tabeli dat je prikaz odobrenih sredstava u ovu svrhu u periodu 2013.-2014.godine.

**Tabela 13.** – Prikaz odobrenih sredstava (u KM) za učešća u sportskim takmičenjima RVI i organizovanju takmičenja i manifestacija pripadnika branilačke populacije

| Godina | Učešća u sportskim takmičenjima RVI | Organizovanja takmičenja i manifestacija |
|--------|-------------------------------------|------------------------------------------|
| 2013.  | 63.940,00                           | 67.174,00                                |
| 2014.  | 59.700,00                           | 35.500,00                                |

## **POGLAVLJE VIII. Oslobođanje od plaćanja sudskih i administrativnih taksi**

Članom 28. Zakona utvrđeno je oslobođanje od plaćanja taksi u postupku pred sudovima u Kantonu, te kantonalnih i općinskih administrativnih taksi za dobitnike ratnog priznanja ili odlikovanja, ratne vojne invalide, članove porodice šehida, poginulog, umrlog, nestalog branioca, članove uže porodice poginulog, umrlog, nestalog dobitnika ratnog priznanja ili odlikovanja i nezaposlene demobilizirane branioce.

Zakonom je također propisano (član 29.) oslobođanje od plaćanja kantonalnih i općinskih administrativnih taksi i naknada za uvjerenja izdata u školskim ustanovama čiji je osnivač Kanton, za dobitnike ratnog priznanja ili odlikovanja; ratne vojne invalide; demobilizirane branioce; članove porodice šehida, poginulog, umrlog, nestalog branioca te djecu dobitnika ratnog priznanja ili odlikovanja, ratnih vojnih invalida i demobiliziranih branilaca, u postupku pribavljanja dokumentacije u cilju stipendiranja i pomoći u školovanju.

U cilju primjene naznačenih odredbi Zakona, Ministarstvo za boračka pitanja je sačinilo prijedloge izmjena i dopuna Kantonalnih zakona o sudskim i administrativnim taksama, te izvršilo uvid u odluke vijeća svih općina sa područja Kantona i interveniralo u cilju usaglašavanja istih sa Zakonom, odnosno omogućavanja korištenja ovog prava branilaca i članova njihovih porodica. Također su upućeni dopisi obrazovnim ustanovama sa područja Kantona u cilju dopune vlastitih akata odredbom o ovom oslobođanju, odnosno izvršeno je interveniranje u slučajevima zabilježenog nepoštivanja prava.

## **POGLAVLJE IX. Pomoć u slučaju smrti**

Članom 37. Zakona je utvrđeno da u slučaju smrti dobitnika ratnog priznanja ili odlikovanja, nosioca "Partizanske spomenice 1941", ratnog vojnog invalida, demobiliziranog branioca, člana porodice šehida, poginulog, umrlog, nestalog branioca, a koji su prije smrti sa prebivalištem odnosno boravištem na području Kantona bili u trajanju od najmanje dvije godine neprekidno, članovi porodice sa kojima je umrli živio u zajedničkom domaćinstvu u vrijeme smrti ili drugo lice koje vlastitim sredstvima sahrani umrlog, imaju pravo na jednokratnu novčanu pomoć, ukoliko to pravo nisu ostvarili prema drugom propisu.

Članom 38. Zakona su utvrđena prava u slučaju smrti lica sa naročitim zaslugama. Istim je predviđeno da općina na području koje je isti imao prebivalište vrši obavješćavanje o smrti putem javnih medija. U slučaju smrti dobitnika ratnog priznanja "Zlatni ljiljan" i "Red hrvatskog trolista" i nosioca "Partizanske spomenice 1941", općina na području koje je isti imao prebivalište, u saradnji sa kantonalnim udruženjem dobitnika ratnih priznanja i odlikovanja, organizuje ukop - sahranu uz državne počasti. U slučaju da je ukop/sahrana izvršena u organizaciji i sredstvima kantonalnog udruženja, istom se može odobriti naknada utrošenih sredstava najviše do iznosa 2.500,00 KM. Općine na području Kantona poduzet će aktivnosti na određivanju i uređenju lokacija za ukop - sahranu lica sa naročitim zaslugama.



Uredbom o naknadi troškova dženaze/sahrane branilaca i članova njihovih porodica, koju je donijela Vlada Kantona, utvrđen je način i postupak dodjele ovih sredstava.

**Tabela 14.** Prikaz odobrenih sredstava na ime dženaze/sahrane po godinama i kategorijama umrlih pripadnika branilačke populacije

| Kategorije                     | Godina     |            |            |            |            |
|--------------------------------|------------|------------|------------|------------|------------|
|                                | 2010.      | 2011.      | 2012.      | 2013.      | 2014.      |
| Ratni vojni invalidi           | 33         | 31         | 38         | 37         | 54         |
| Porodice šehida/pog.branilaca  | 154        | 196        | 185        | 175        | 154        |
| Demobilizirani branioci        | 224        | 330        | 355        | 344        | 353        |
| Ukupno odobrenih zahtjeva      | 411        | 557        | 578        | 556        | 561        |
| Iznos odobrenih sredstava (KM) | 249.908,75 | 359.757,10 | 383.434,99 | 389.492,50 | 402.913,80 |

Period 2003.-2014.godina - Iznos odobrenih sredstava: 1.785.507,14 KM

Kako je vidljivo iz gore navedenog, u periodu 2003.-2014.godine prosječno je godišnje za ostvarivanje ovog prava utrošeno 357.101,428KM, te utrošak od 402.913,80 KM u 2014.godini ukazuje na porast potreba za ovim vidom pomoći, odnosno na značajno povećanje broja smrtnih slučajeva branilaca i članova njihovih porodica.

## **POGLAVLJE X. Podizanje nišana/nadgrobnog spomenika**

U skladu sa odredbama Zakona, za svakog pripadnika Oružanih snaga RBiH koji je poginuo ili umro kao učesnik u odbrani Bosne i Hercegovine u proteklom odbrambeno-oslobodilačkom ratu i koji je sahranjen na području Kantona, osigurano je podizanje jedinstvenog spomen obilježja, izrađenog u skladu sa usvojenim idejnim rješenjem. Ovo se primjenjuje i u slučajevima ukopa nakon izvršene ekshumacije poginulih branilaca.

Vlada Kantona, na prijedlog Ministarstva, posebnim aktom odobrava podizanje nišana – nadgrobnog spomenika i za poginule pripadnike OS RBiH koji su ukopani izvan područja Kantona, a koji su početkom agresije na BiH imali prebivalište na području Kantona.

Prema evidenciji Ministarstva, u dosadašnjem periodu je postavljeno ukupno 4.240 pari jedinstvenog spomen obilježja, a što je finansirano sredstvima s transfera Ministarstva.

Na prijedlog Ministarstva, Vlada Kantona odobrava naknadu troškova članu porodice šehida, poginulog, umrlog, nestalog branioca, ili drugom licu koje vlastitim sredstvima izvrši podizanje nišana/nadgrobnog spomenika, u skladu sa posebnim aktom kojim utvrđuje uvjete, način i postupak isplate sredstava.

Članom 36. Zakona regulisano je podizanje spomen obilježja za umrle dobitnike ratnog priznanja ili odlikovanja kojim se osiguravaju sredstva u istu svrhu članu porodice, odnosno drugom fizičkom ili pravnom licu koje izvrši podizanje nišana/nadgrobnog spomenika umrlom braniocu.

## **POGLAVLJE XI. Profesionalna rehabilitacija (Pravo po osnovu preostale radne sposobnosti)**

Članom 13. Zakona je utvrđeno pravo ratnih vojnih invalida, dobitnika ratnog priznanja ili odlikovanja i demobiliziranih branilaca na profesionalnu rehabilitaciju, a na osnovu preostale radne sposobnosti, uključujući prekvalifikaciju i školovanje za obavljanje poslova za koje se traži više

stručna sprema od one koju ima, u slučaju nezaposlenosti i ako prema općem obrazovanju, godinama života, zdravstvenom stanju i drugim okolnostima imaju uvjete za uspješnu rehabilitaciju.

Profesionalnom rehabilitacijom osigurava se osposobljavanje za vršenje ranijeg ili drugog odgovarajućeg zanimanja, stručno osposobljavanje za vršenje određenog zanimanja i stručno usavršavanje.

Na profesionalnu rehabilitaciju podnosioca zahtjeva u tom smislu upućuje općinska služba, a na osnovu prethodno utvrđene preostale radne sposobnosti od strane komisije stručne ustanove za ocjenjivanje radne sposobnosti, u skladu sa propisima iz oblasti penzijsko-invalidskog osiguranja, u roku 60 dana od dana prijema ocjene.

Pravilnikom o načinu ostvarivanja prava po osnovu preostale radne sposobnosti, kojeg donosi ministar Ministarstva za boračka pitanja, detaljnije su regulisana pitanja od značaja za realizaciju ovog prava.

U periodu 2003.-2014. godina za realizaciju ovog prava ukupno su odobrena sredstva u iznosu od 148.053 KM.

## **POGLAVLJE XII. Izgradnja prilaza do stambene zgrade**

Zakonom je utvrđeno pravo na uklanjanje arhitektonsko-urbanističkih barijera za prilaz i ulazak u stambenu zgradu u kojoj stanuje i za korištenje stana za ratne vojne invalide I grupe koji nisu sposobni za kretanje bez invalidskih kolica. Ovo pravo se može ostvariti jednokratno i pod uvjetom da se radi o stambenoj jedinici sa riješenim imovinsko-pravnim odnosima, a realizaciju je dužna osigurati općina na području koje se stambena zgrada nalazi.

## **POGLAVLJE XIII. Sufinansiranje izgradnje spomen obilježja u općinama**

U Budžetu Zeničko-dobojskog kantona te Programom utroška sredstava Ministarstva za boračka pitanja utvrđen je poseban transfer za sufinansiranje izgradnje spomen obilježja u općinama Kantona, vezanih za protekli odbrambeno-oslobodilački rat. Izdvajanje sredstava se vrši na inicijativu branilačkih organizacija i mjesnih zajednica, a na osnovu pisanog zahtjeva općinskih službi te dostavljenih projekata u tom smislu.

U narednoj tabeli dat je prikaz izdvojenih sredstava za izgradnju spomen obilježja u prethodnim godinama.

**Tabela 15.** - Pregled odobrenih sredstava za izgradnju spomen obilježja u periodu 2010.-2014.g.

| <b>Godina</b> | <b>Iznos (KM)</b> |
|---------------|-------------------|
| 2010.         | 43.000            |
| 2011.         | 212.300           |
| 2012.         | 203.500           |
| 2013.         | 13.500            |
| 2014.         | 6.000             |

## **POGLAVLJE XIV. Sredstva za rad branilačkih udruženja**

Zakonom je utvrđeno da Vlada Kantona odobrava sredstva za rad i aktivnosti kantonalnih udruženja pripadnika branilačke populacije od posebnog društvenog interesa, a Odlukom o

finansiranju rada kantonalnih udruženja branilaca i članova njihovih porodica, koju je donijela Vlada Kantona, utvrđeni su uvjeti, način i postupak dodjele istih sredstava.

Odlukom je definisano finansiranje slijedećih udruženja i saveza:

1. Savez dobitnika najvećih ratnih priznanja Zeničko-dobojskog kantona,
2. Udruga nositelja ratnih odličja HVO Zeničko-dobojskog kantona iz Žepča,
3. Udruženje građana Ratnih vojnih invalida paraplegičara u Zeničko-dobojskom kantonu,
4. Savez ratnih vojnih invalida Zeničko-dobojskog kantona,
5. Zajednica udruga hrvatskih vojnih invalida domovinskog rata HVO-HB Zeničko-dobojskog kantona iz Žepča,
6. Organizacija porodica šehida i poginulih boraca Zeničko-dobojskog kantona,
7. Zajednica udruga obitelji poginulih i nestalih hrvatskih branitelja Domovinskog rata Zeničko-dobojskog kantona,
8. Udruženje građana 100% ratnih vojnih invalida prve kategorije slijepih boraca i boraca sa teškim oštećenjem vida,
9. Udruženje građana Jedinstvena organizacija boraca Bosne i Hercegovine "Unija veterana" Zeničko-dobojskog kantona,
10. Savez demobilisanih boraca odbrambeno oslobodilačkog rata 1992-1995 Zeničko-dobojskog kantona i
11. Savez udruženja antifašista i boraca narodnooslobodilačkog rata u Zeničko-dobojskom kantonu.

Napomena: Naznačeni su puni nazivi udruženja iz rješenja o registraciji.

Programom utroška sredstava Ministarstva predviđeno je finansiranje rada kancelarija navedenih udruženja te finansiranje programskih aktivnosti kantonalnih udruženja pripadnika branilačke populacije,

## **POGLAVLJE XV. Posebna prava**

Članom 41. Zakona utvrđena su posebna prava lica sa naročitim zaslugama, prema kojima dobitnici ratnog priznanja ili odlikovanja i nosioci "Partizanske spomenice 1941" imaju pravo na jednokratno novčano primanje u toku jedne kalendarske godine, u visini koju utvrdi Vlada Kantona.

Također, dobitnicima ratnog priznanja ili odlikovanja za vrijeme nezaposlenosti odobrava se mjesečna novčana naknada, u skladu sa Uredbom o novčanoj naknadi dobitnika ratnih priznanja i odlikovanja za vrijeme nezaposlenosti koju je donijela Vlada Kantona, kojom je utvrđena visina novčanih sredstava u ovu svrhu (200, 100 i 50 KM - zavisno od kategorije priznanja i odlikovanja), te uvjeti, način i postupak dodjele istih, kao i ostala pitanja od značaja za ostvarivanje ovog prava.

U vrijeme sačinjavanja Informacije evidentirana su tri korisnika ovog prava, dok su ostali dobitnici ratnog priznanja ili odlikovanja zaposleni ili su uživaoci penzija.

## **DIO PETI - AKTIVNOSTI BRANILAČKIH UDRUŽENJA**

### **POGLAVLJE I. Uvod**

Udruženje u smislu Zakona o udruženjima i fondacijama ("Službene novine FBiH" br. 45/02) je svaki oblik dobrovoljnog povezivanja više fizičkih ili pravnih lica radi unapređenja i ostvarivanja nekog zajedničkog ili opštedruštvenog interesa ili cilja, a čija osnovna svrha nije sticanje dobiti. Udruženje (kao i fondacije) samostalno utvrđuju svoje ciljeve i djelatnosti u skladu sa Ustavom i Zakonom. Ciljevi i djelatnost udruženja ne mogu biti u suprotnosti sa ustavnim poretком BiH i FBiH.

Udruženje (kao i fondacija) dužno je da vrši Zakonom povjerene poslove, a kanton, odnosno kantonalni organ uprave nadležan je za poslove praćenja stanja u oblasti na koju se odnosi djelatnost udruženja.

Informacija daje prikaz statusnih pitanja, aktivnosti i presjek rada kantonalnih branilačkih udruženja, koja se finansiraju iz Budžeta Kantona, kao i ostalih udruženja branilačke populacije u 2014.godini, sa podacima o dodjeljenim novčanim sredstvima sa transfera Ministarstva u skladu sa Programom utroška sredstava, realizovanih putem redovnog finansiranja, kao i po osnovu posebnih programskih aktivnosti udruženja. Presjek stanja i rada branilačkih udruženja, odnosi se na ona udruženja za koje je Ministarstvo, kao kantonalni organ nadležno za praćenje stanja u oblasti na koju se odnosi djelatnost udruženja i na koje se primjenjuju odredbe Zakona, osim onih koji su uređeni posebnim zakonom (sportske organizacije, poslovna udruženja i sl.).

## **POGLAVLJE II. Normativna regulativa**

Oblast rada i aktivnosti udruženja pripadnika branilačke populacije na području Kantona normativno je regulisana i uređena u skladu sa ustavom utvrđenim funkcijama kantona i općina i to:

- Odlukom o finansiranju Zeničko-dobojskog kantona ("Službene novine ZDK" br. 16/97), kojom je utvrđeno da se iz budžeta Kantona finansiraju udruženja i kantonalne organizacije, a iz općinskog budžeta općinska udruženja i organizacije.
- Članom 47. Zakona o udruženjima i fondacijama je utvrđeno da nadzor nad zakonitošću rada udruženja i fondacija vrši nadležni federalni, odnosno kantonalni organ uprave u čije područje spada praćenje stanja u oblasti na koju se odnosi djelatnost udruženja ili fondacije.
- Članom 32. Zakona o dopunskim pravima branilaca i članova njihovih porodica je utvrđeno da Vlada Kantona odobrava sredstva za rad i aktivnosti kantonalnih udruženja pripadnika branilačke populacije od posebnog društvenog interesa, u skladu sa posebnim propisom kojim utvrđuje visinu, uvjete, način i postupak dodjele istih sredstava.
- Odlukom o finansiranju rada kantonalnih udruženja branilaca i članova njihovih porodica su utvrđeni uvjeti, način i postupak finansiranja i rada i aktivnosti udruženja branilaca i članova njihovih porodica, od posebnog društvenog interesa, organizovanih na nivou Kantona. Odluku je donijela Vlada kantona 10.07.2014.godine, kao podzakonski akt po Zakonu koji je donesen početkom iste godine, a istom je zamijenjena istoimena odluka donesena po ovlaštenju iz prethodnog Zakona 2007.godine.
- Programom utroška sredstava Budžeta Kantona planiranih na razdjelu Ministarstva za boračka pitanja za 2015.godinu, u razdjelu 24, budžetska organizacija 01, potrošačka jedinica 0001, ekonomski kod 614200-"Grantovi pojedincima" subanalitika OAD 204 "Sredstva za rad branilačkih udruženja" za navedenu namjenu planirana su sredstva u ukupnom iznosu od 400.000,00 KM.

## **POGLAVLJE III. Aktivnosti Ministarstva u vezi praćenja rada kantonalnih udruženja**

Ministarstvo, kao kantonalni organ uprave nadležan za poslove branilačko-invalidske zaštite u cilju realizacije zakonom povjerenih ovlaštenja u segmentu statusa, rada i aktivnosti udruženja branilačke populacije na području Kantona, vrši i obavlja slijedeće poslove i radne zadatke:

- finansira rad i aktivnosti kantonalnih udruženja a u skladu sa važećim podzakonskim aktom;
- pomaže (finansira i sufinansira) realizaciju projekata od značaja za branioce i članove njihovih porodica, a u skladu sa raspoloživim sredstvima prema Programu utroška sredstava iz Budžeta ZDK sa transfera Ministarstva za određenu namjenu;
- vodi evidenciju o svim vrstama dodjeljenih pomoći (po osnovu redovnog finansiranja i po pojedinačnim projektima);
- prati realizaciju namjenskog utroška odobrenih sredstava kao i stanje u oblasti rada branilačkih udruženja, te
- vrši nadzor nad zakonitošću rada udruženja.

U skladu sa članom 49. Zakona o udruženjima i fondacijama udruženje koje vrši javna ovlaštenja dužno je organu uprave koje vrši nadzor nad njihovim radom najmanje jedanput godišnje podnijeti izvještaj o vršenju povjerenih javnih ovlaštenja. Izvještaj mora sadržavati opis aktivnosti udruženja udruženja/fondacije i godišnji finasijski izvještaj sa bilansom stanja, koji prikazuje prihode i rashode udruženja. Ministarstvo za svaku budžetsku godinu vrši pregled i kontrolu rada kantonalnih udruženja, te pismeno traži dostavu izvještaja o radu sa završnim finansijskim izvještajem i program rada za narednu budžetsku godinu, usvojene od strane organa udruženja a u skladu sa statutarnim i drugim aktima.

Prilikom pregleda, kontrole i izvršenog internog nadzora rada ranijih godina, zbog uočenih nedostataka svim udruženjima je upućen generalni dopis i naloženo otklanjanje istih. Uglavnom se radilo o tome da su priloženi izvještaji o radu najčešće su stereotipni bez uporednih pokazatelja realizovano/nerealizovano prema programu rada udruženja; dokazi da su izvještaji o radu sa finansijskim i ostalim izvještajima usvojeni od strane Skupštine udruženja nisu dostavljani; nema dokaza da je finansijski izvještaj dostavljen Poreznoj upravi, odnosno Agenciji AFIP i sl.

Pored interne kontrole rada udruženja, Ministarstvo postupa po anonimnim i ostalim predstavkama građana u kojima se ukazuje na eventualne negativnosti u radu udruženja, razne vrste zloupotreba, kršenja statutarnih odredbi udruženja, neredovno održavanje skupština udruženja, trošenje doniranih sredstva i sl.), te vrši kontrolu i nadzor nad zakonitošću rada udruženja na traženje MUP-a ZDK, Tužilaštva, te Ministarstva za pravosuđe i upravu ZDK. U svakom pojedinačnom slučaju, a po izvršenom nadzoru Ministarstvo pismeno naloži otklanjanje uočenih nedostataka, o čemu blagovremeno informiše Ministarstva za pravosuđe i upravu ZDK, kao nadležni kantonalni organ za Registar udruženja građana ZDK. Sva ostala pitanja, informacije, podatke, te primjedbe po predstavkama i prijedlozima za provjere i kontrole, a koja nisu u nadležnosti Ministarstva prosljeđuju se u dalji rad ili dostavljaju kao povratna informacija za to nadležnim sudskim organima. Također, Ministarstvo za pravosuđe i upravu ZDK, kao nadležni kantonalni organ za evidenciju i registraciju svih udruženja za svaku godinu raspisuje javni poziv za dostavu dokumentacije, kao dokaza o kontinuitetu rada udruženja, a s ciljem ispunjavanja zakonske obaveze o registraciji svih promjena u radu udruženja, imajući u vidu da odredbe Zakona o udruženjima i fondacijama prema kojima se smatra "da je udruženje prestalo djelovati ako je proteklo dvostruko više vremena od vremena utvrđenog statutom udruženja za održavanje skupštine udruženja, a skupština nije održana".

Obzirom na navedeno planirano je intenziviranje aktivnosti na nadzoru nad zakonitošću rada udruženja pripadnika branilačke populacije a u okviru prava i dužnosti Ministarstva.

U proteklom periodu Ministarstvo je poduzelo i provelo značajne aktivnosti na izradi jedinstvene baze podata o branilačkim udruženjima. S tim u vezi je svim udruženjima (kantonalnim i općinskim) prosljeđen obrazac upitnika, koji sadrži osnovne podatke od naziva, prve registracije udruženja, promjena u registraciji, iznosa mjesečne članarine, imovine udruženja, finansiranja, prostora za rad, broja zaposlenih ili angažovanih po ugovoru o djelu, mjesečnih materijalnih troškova udruženja, vizije rada sa komentarom, te mišljenjem i preporukom za unapređenje rada i saradnje. Prikupljeni podaci su od značaja za daljnji rad i saradnju Ministarstva i udruženja.

U skladu sa odredbama Zakona o dopunskim pravima branilaca i članova njihovih porodica, izmjene i dopune istog, kao i donošenje odnosno izmjene i dopune svih podzakonskih akata mogu se vršiti samo po prethodno pribavljenom mišljenju kantonalnih branilačkih udruženja. S tim u vezi Ministarstvo nastoji blagovremeno upoznati udruženja sa svim aktima donesenim na nivou Federacije odnosno Kantona, a kojim su obuhvaćeni i interesi branilačke populacije, te sa potrebama usaglašavanja kantonalnih propisa iz ove oblasti. U proceduri donošenja Zakona o dopunskim pravima 2006.godine sprovedena je javna rasprava na najširem nivou, a prilikom donošenja novog teksta Zakona i 12 podzakonskih akata u maksimalnoj mjeri su ispoštovane

primjedbe, prijedlozi i sugestije branilačkih udruženja, kao najboljih poznavalaca stanja i potreba kategorija populacije koju zastupaju.

#### **POGLAVLJE IV. Finansiranje rada i aktivnosti kantonalnih udruženja**

Finansiranje redovnog rada i programskih aktivnosti udruženja branilaca i članova njihovih porodica vrši se u skladu sa naprijed naznačenom Odlukom i godišnjim programom utroška sredstava Budžeta Kantona sa budžetske stavke Ministarstva za boračka pitanja.

Kriterij za utvrđivanje visine pojedinačnih iznosa sredstava koji se odobravaju udruženjima u skladu sa Odlukom su: brojnost općinskih organizacija-članica kantonalnih saveza/udruženja, utvrđene programske aktivnosti za tekuću kalendarsku godinu (redovne i posebne), realizacija aktivnosti i pravljenja utroška odobrenih sredstava u prethodnoj godini, kao i značaj i kvalitet dostavljenih projekata sa aspekta pripadnika branilačke populacije, kao i sa aspekta značaja za širu društvenu zajednicu. Programom utroška sredstava za 2015.godinu je utvrđeno da odluku o odobravanju sredstava po podnesenim zahtjevima za ove potrebe koji ne prelaze iznos od 4000 KM donosi ministar Ministarstva, a dodjelu sredstava u većem iznosu odobrava Vlada Kantona.

U 2014.godini Ministarstvo je kontinuirano pratilo i podržavalo rad i aktivnosti udruženja, te je pored redovnog finansiranja podržavalo i učestvovalo u sufinansiranju i ostalih programskih aktivnosti udruženja/udruga, odnosno svih kvalitetnih i značajnijih projekata, bez obzira od kojeg udruženja je prosljeđeno. Radi realnijeg prikaza utroška sredstava od strane branilačkih udruženja, u posebnom pregledu (u nastavku) prikazana su i sredstva koja su odobravana sa drugih transfera Ministarstva, a po osnovu pojedinačno dostavljenih programa / projekata.

Napomena: Na osnovu Ugovora o zakupu kancelarijskog prostora sa Željezarnom Zenica d.o.o. sa transfera materijalnih troškova Ministarstva odobravaju se sredstva na ime zakupa opremljenog kancelarijskog prostora za potrebe smještaja Organizacije porodica šehida i poginulih boraca ZDK, Saveza RVI ZDK, JOB BiH „Unija veterana,, ZDK. Po tom osnovu u 2014.godini utrošeno je ukupno 7.686,71KM.

U nastavku dajemo tabelarni pregled utrošenih novčanih sredstva za rad i aktivnosti udruženja u 2013. i 2014.godini sa analitikom dodjeljenih sredstava (utrošak sredstava po osnovu redovnog finansiranja, pojedinačno dostavljenih programa/projekata, te programa/projekata o dodjeljenim sredstvima sa ostalih transfera Ministarstva).

**Tabela 16. Odobrena sredstva (u KM) za redovan rad i programske aktivnosti udruženja za period 2013.-2014.god.**

| Udruženje                            | Godine                  |                  |                        |                   |                         |                  |                        |                   |
|--------------------------------------|-------------------------|------------------|------------------------|-------------------|-------------------------|------------------|------------------------|-------------------|
|                                      | 2013.                   |                  |                        |                   | 2014.                   |                  |                        |                   |
|                                      | redovno<br>finansiranje | manifest.        | projekti i<br>programi | ukupno            | redovno<br>finansiranje | manifest.        | projekti i<br>programi | ukupno            |
| Savez dobitnika NRP ZDK              | 27.600,00               |                  | 12.200,00              | <b>39.800,00</b>  | 27.600,00               |                  | 19.000,00              | <b>46.600,00</b>  |
| Udruga nositelja rat.odličja HVO ZDK | 14.000,00               |                  | 11.400,00              | <b>25.400,00</b>  | 16.800,00               |                  | 12.000,00              | <b>28.800,00</b>  |
| UG RVI- paraplegičara u ZDK          | 25.200,00               |                  | 3.500,00               | <b>28.700,00</b>  | 25.200,00               |                  | 3.000,00               | <b>28.200,00</b>  |
| Savez RVI ZDK                        | 31.200,00               |                  | 25.700,00              | <b>56.900,00</b>  | 31.200,00               |                  | 15.000,00              | <b>46.200,00</b>  |
| ZU HVIDR-a ZDK                       | 25.200,00               |                  | 9.000,00               | <b>34.200,00</b>  | 25.200,00               |                  | 5.000,00               | <b>30.200,00</b>  |
| Organizacija PŠ i PB ZDK             | 31.200,00               |                  | 8.770,00               | <b>39.970,00</b>  | 31.200,00               | 4.000,00         | 2.000,00               | <b>37.200,00</b>  |
| ZU obitelji pog.i nest.HB DR ZDK     | 25.200,00               | 3.000,00         |                        | <b>28.200,00</b>  | 25.200,00               | 4.000,00         | 3.000,00               | <b>32.200,00</b>  |
| UG Savez slijepih boraca ZDK         | 12.000,00               | 2.200,00         | 14.500,00              | <b>28.700,00</b>  | 12.600,00               | 1.000,00         | 14.480,00              | <b>28.080,00</b>  |
| JOB "Unija veterana" ZDK             | 31.200,00               | 6.500,00         | 1.500,00               | <b>39.200,00</b>  | 7.800,00                |                  |                        | <b>7.800,00</b>   |
| Savez DB OOR '92-'95 ZDK             | 14.000,00               |                  |                        | <b>14.000,00</b>  | 16.800,00               |                  |                        | <b>16.800,00</b>  |
| SUBNOR ZDK                           | 9.600,00                |                  | 1.050,00               | <b>10.650,00</b>  | 9.600,00                | 1.700,00         |                        | <b>11.300,00</b>  |
| <b>UKUPNO:</b>                       | <b>246.400,00</b>       | <b>11.700,00</b> | <b>87.620,00</b>       | <b>345.720,00</b> | <b>229.200,00</b>       | <b>10.700,00</b> | <b>73.480,00</b>       | <b>313.380,00</b> |

## **POGLAVLJE V. Aktivnosti kantonalnih udruženja**

U nastavku dajemo pregled najznačajnijih aktivnosti branilačkih udruženja u 2014.godini, finansiranih sredstvima sa budžetske stavke Ministarstva:

1. Projekt sedmodnevnog boravka odnosno rehabilitacije na moru u periodu juli-august za 10 slijepih ratnih vojnih invalida 100 % I grupe sa pratiocima. Odobrena sredstva u iznosu do 14.000 KM.
2. Projekt tradicionalne sportske igre ratnih vojnih invalida HVO-a sa područja ZE-DO kantona, predkvalifikacije za državno prvenstvo - odobrena sredstva u iznosu od 5.000 KM.
3. Program tradicionalnog, godišnjeg druženja dobitnika najvećih ratnih priznanja sa područja ZDK, 06.04. u Olovu - odobrena sredstva u iznosu od 9.000,00 KM.
4. Projekat posjete R Turskoj u septembru 2014.god., a u svrhu prisustva donatorskim konferencijama u Istanbulu i Ankari - odobrena sredstva u iznosu od 9.000 KM.
5. Projekat "Da se ne zaboravi" -posjeta učenika najboljih odjeljenja srednjih škola sa područja Kantona Memorijalnom centru "Potočari", Srebrenica 09.05.2014.g. - odobrena sredstva u iznosu od 9.000 KM.
6. Program organizacije i obilježavanja Dana ratnih vojnih invalida ZDK, 27.09.2014.g. u Zenici - odobrena sredstva u iznosu od 6.500 KM.
7. Program priprema i organizacije učešća na sportskim igrama ratnih vojnih invalida FBiH, u augustu 2014.g. u Bihaću - odobrena sredstva u iznosu od 4.000 KM.
8. Projekat tradicionalnog, godišnjeg druženja ratnih vojnih invalida paraplegičara sa područja ZDK na izletištu Bistričak, Zenica- odobrena sredstva u iznosu od 2.000 KM.
9. Projekat druženja nositelja ratnih odličja HVO sa područja ZDK, 20.09. u Žepču- odobrena sredstva u iznosu od 4.000 KM.
10. Projekt obilježavanja 22. godišnjice osnivanja HVO-a, središnja ceremonija za BiH, 08. aprila u Žepču - odobrena sredstva u iznosu od 5.000 KM.
11. Međudržavni projekt posjete Hrvatske zajednice udruga roditelja poginulih branitelja domovinskog rata R Hrvatske, 27.05.2014.godine u Žepču - odobrena sredstva u iznosu od 3.000 KM.
12. Projekt "Druženje porodica šehida 2014" u Neumu - odobrena sredstva u iznosu od 1.000 KM.
13. Sufinansiranja održavanja redovnih izvještajno-izbornih skupština kantonalnih udruženja - odobrena sredstva u iznosu od 500 do 1.000 KM.
14. Program organizacije učešća ratnih vojnih invalida ZDK na manifestaciji "Odbrana BiH-Igman 2014" - odobrena sredstva u iznosu od 1.000 KM.
15. Program posjete ratnih vojnih invalida ZDK MC"Potočari", Srebrenica, početkom septembra 2014.g. - odobrena sredstva u iznosu od 1.000 KM.
16. Program promocije knjige"Monografija 3. Korpusa Armije RBiH", 15.04.2014.g. u Zenici - odobrena sredstva u iznosu od 1.000 KM.
17. Projekt "Tradicionalna dodjela školskih torbi za djecu branitelja", u periodu 01.07. - 01.09.2014.g.- odobrena sredstva u iznosu od 1.000 KM.
18. Projekt "Podjela Novogodišnjih i Božićnih paketića" djeci nositelja ratnih odličja i djeci branitelja lošeg socijalno-imovinskog stanja - odobrena sredstva u iznosu od 1.000 KM.
19. Projekt "Uspostava zasada voća, kao oblik radne terapije protiv fizioloških poremećaja kod branitelja uzrokovanih ratom" - odobrena sredstva u iznosu od 1.000 KM.

## **DIO ŠESTI - ZAKLJUČNA RAZMATRANJA**

Imajući u vidu postojanje uređene evidencije o korisnicima branilačko-invalidske zaštite, u skladu sa pozitivnim propisima i na osnovu jedinstvenog informacionog sistema, koja omogućava sagledavanje stanja u ovoj oblasti i na osnovu toga poduzimanje odgovarajućih mjera,



podaci iz ove Informacije daju mogućnost sagledavanja stanja u kojem se nalazi branilačka populacija, te dosada preduzetih mjera na poboljšanju istog.

Branilačko-invalidska zaštita je u okviru socijalne politike prema odredbama Federalnog ustava u nadležnosti Federacije i kantona, te doneseni federalni zakoni iz ove oblasti za realizaciju najvećeg broja prava zadužuju kantonalna ministarstva.

U realizaciji tih obaveza 2006. godine donesen je Zakon o dopunskim pravima branilaca i članova njihovih porodica i na osnovu istog dvanaest podzakonskih akata, dok je jedan podzakonski akt donesen na osnovu Federalnog zakona. Donošenjem ovih akata data je mogućnost sistemskog rješenja prava branilaca i članova njihovih porodica tako što isti postaju zakonska kategorija. Zakon osigurava upravno rješavanje u dvostepenom postupku, odnosno pravnu zaštitu branilaca i članova njihovih porodica u realizaciji njihovih prava.

Tokom 2013.godine sprovedene su aktivnosti na donošenju novog Zakona o dopunskim pravima branilaca i članova njihovih porodica, kojim su u Zakon ugrađene odredbe o povoljnijem statusu djece šehida/pog.branioca, umrlih RVI i demobiliziranih branilaca, u pogledu zdravstvene zaštite, zapošljavanja i stipendiranja; u prava po Zakonu uvedeni su i povratnici u RS, kao i udovice i roditelji umrlih demobiliziranih branilaca. U skladu sa Zakonom u toku 2014./2015. godine doneseno je i 12 novih podzakonskih akata.

S obzirom da branioci i članovi njihovih porodica čine veći dio populacije sa statusom nezaposlenog lica na evidenciji Službe za zapošljavanje, problem sa preko 21.000 nezaposlenih pripadnika branilačke populacije je složeniji imajući u vidu da se često radi o licima sa narušenim zdravljem, odnosno smanjenim psihofizičkim sposobnostima.

**U Ministarstvu, pored postojeće revolving kreditne linije namijenjene samozapošljavanju, u postupku je i raspisivanje konkursa za dodjelu novčanih sredstava podsticaja uzgoja malina, značajan projekat za koji se očekuje velika zainteresovanost nezaposlenih branilaca.**

U oblasti zdravstvene zaštite poteškoće su izražene u postupku ostvarivanja prava na liječenje na području Kantona branilaca - povratnika u RS, što onemogućavaju važeći federalni propisi koji regulišu ovu oblast, zbog čega bi ovo pitanje trebalo i rješavati na federalnom nivou. Dosadašnji problem branilaca koji zbog ostvarenog zdravstvenog osiguranja u R Hrvatskoj nisu mogli ostvarivati zdravstvenu zaštitu u mjestu prebivališta u Kantonu, riješen je donošenjem nove Odluke o proširenom obimu prava iz zdravstvene zaštite za branioce i članove njihovih porodica, u maju ove godine.

Neriješeno stambeno pitanje predstavlja jedan od najznačajnijih egzistencijalnih problema stanovnika Kantona, a najugroženiji dio populacije su svakako branioci i članovi njihovih porodica, zbog čega jedan od prioriteta predstavlja i pomoć u rješavanju problema njihovog stambenog zbrinjavanja.

Za ostvarenje funkcija ovog Ministarstva neophodna je i dobra saradnja sa udruženjima pripadnika branilačke populacije koja se realizuje kroz pružanje odgovarajuće pomoći i zajedničku aktivnost na poboljšanju statusa ove populacije.

Imajući u vidu postojeću ekonomsku situaciju u Kantonu, kao najveći problem definitivno se može označiti nemogućnost osiguranja sredstava za realizaciju prava adekvatno evidentnim potrebama branilaca i članova njihovih porodica, zbog čega je ostvarenje prava najčešće uvjetovano provođenjem konkursne procedure i bodovanjem.

U narednim tabelama dat je pregled utroška sredstava Budžeta Kantona po transferima za prava branilaca i članova njihovih porodica u periodu 2003.-2014.godina, te Pregled transfera iz Programa utroška sredstava Ministarstva za boračka pitanja za 2015.godinu.

Tabela 17. Utrošak sredstava Budžeta Kantona po transferima

| Naziv transfera                                                           | 2003.-2010.   | 2010.        | 2011.        | 2012.        | 2013.        | 2014.        |
|---------------------------------------------------------------------------|---------------|--------------|--------------|--------------|--------------|--------------|
| Banjsko-klimatsko liječenje                                               | 2.052.188,30  | 189.582,00   | 194.700,00   | 173.290,00   | 201.498,00   | 210.483,00   |
| Stipendiranje studenata pripadnika branilačke populacije                  | 8.107.600,00  | 1.300.000,00 | 1.306.000,00 | 1.398.000,00 | 1.484.400,00 | 1.450.400,00 |
| Podizanje nišana/nadgrobnih spomenika šehida/poginulih branilaca i umrlih | 1.933.087,71  | 41.046,34    | 5.827,52     | 16.527,52    | 14.857,52    | 7.659,00     |
| Sredstva za rad branilačkih udruženja                                     | 2.508.127,03  | 399.815,00   | 395.910,00   | 366.599,50   | 344.267,09   | 313.136,71   |
| Ortopedska i druga pomagala                                               | 602.602,78    | 90.031,23    | 25.279,58    | 152.061,71   | 12.179,09    | 101.036,87   |
| Troškovi učešća u sportskim takmičenjima                                  | 560.309,00    | 66.200,00    | 62.700,00    | 67.900,00    | 63.940,00    | 59.700,00    |
| Troškovi organizovanja takmičenja i manifestacija PBP                     | 395.618,00    | 51.440,00    | 66.800,00    | 67.470,50    | 67.174,00    | 35.500,00    |
| Jednokratna novčana sredstva za rješavanje stambenog pitanja PBP          | 20.695.306,46 | 2.561.903,52 | 2.949.742,28 | 2.405.800,00 | 1.325.517,53 | 297.637,00   |
| Pomoć u slučaju smrti PBP                                                 | 670.036,75    | 249.908,75   | 359.757,10   | 383.434,99   | 389.492,50   | 402.913,80   |
| Novčana naknada zbog izuzetno teške socijalno-ekonomske situacije PBP     | 1.326.500,00  | 256.120,00   | 369.930,00   | 513.900,00   | 544.660,00   | 819.150,00   |
| Sredstva za liječenje PBP                                                 | 1.229.844,00  | 254.624,00   | 300.000,00   | 416.500,00   | 491.500,00   | 578.700,00   |
| Jednokratno novčano primanje osobama sa naročitim zaslugama               | 635.090,00    | 1.600,00     | 300,00       | 0,00         | 0,00         | 600,00       |
| Transfer za izgradnju spomen obilježja                                    | 549.053,00    | 0,00         | 99.800,00    | 42.500,00    | 13.500,00    | 6.000,00     |
| Sredstva za školovanje i nabavku udžbenika za PBP                         | 926.450,00    | 0,00         | 359.500,00   | 419.100,00   | 628.900,00   | 548.250,00   |
| Transfer JU Službi za zapošljavanje ZDK za podsticaj mjera zapošljavanje  | 5.728.276,53  | 2.195.009,81 | 1.427.226,68 | 0,00         |              | 0,00         |
| Transfer za podsticaj zapošljavanja branilaca i članova njihovih porodica |               |              |              |              | 0,00         | 6.090,00     |
| Zdravstvena zaštita neosiguranih lica                                     |               |              |              |              | 99.180,90    | 98.500,00    |
| Ocjena tjelesnog oštećenja                                                | 336.137,70    | 16.052,40    | 6.236,10     | 6.735,69     | 4.964,31     | 3.865,68     |
| Profesionalna rehabilitacija                                              | 148.053,00    | 0,00         | 0,00         | 0,00         | 0,00         | 0,00         |
| Kapitalni transferi drugim nivoima vlasti                                 |               | 15.700,00    | 112.500,00   | 161.000,00   | 62.000,00    | 4.500,00     |

Tabela 18. Pregled transfera Ministarstva za 2015.godinu

| <b>EK kod</b> | <b>Sub analitika</b> | <b>Tekući transferi pojedincima, Tekući transferi neprofitnim organizacijama i Kapitalni transferi drugim nivoima vlasti</b> | <b>Iznos KM</b>     |
|---------------|----------------------|------------------------------------------------------------------------------------------------------------------------------|---------------------|
| 1             | 2                    | 3                                                                                                                            | 4                   |
| 614200        |                      | <b>Tekući transferi pojedincima</b>                                                                                          | <b>8.549.000,00</b> |
|               | OAD 201              | Medicinska rehabilitacija                                                                                                    | 230.000,00          |
|               | OAD 202              | Stipendiranje studenata - branilaca i članova njihovih porodica                                                              | 1.600.000,00        |
|               | OAD 203              | Podizanje nišana / nadgrobnih spomenika šehida/poginulih branilaca i umrlih                                                  | 14.000,00           |
|               | OAD 204              | Sredstva za rad branilačkih udruženja                                                                                        | 400.000,00          |
|               | OAD 205              | Ortopedska i druga pomagala                                                                                                  | 120.000,00          |
|               | OAD 206              | Sufinansiranje učešća u takmičenjima invalidskog sporta                                                                      | 90.000,00           |
|               | OAD 207              | Sufinansiranje organizovanja takmičenja i sportskih manifestacija                                                            | 90.000,00           |
|               | OAD 208              | Pomoć u rješavanju stambenog pitanja                                                                                         | 2.055.000,00        |
|               | OAD 212              | Pomoć u slučaju smrti branilaca i članova njihovih porodica                                                                  | 500.000,00          |
|               | OAD 213              | Vanredna novčana pomoć                                                                                                       | 800.000,00          |
|               | OAD 214              | Pomoć za liječenje i nabavku lijekova                                                                                        | 650.000,00          |
|               | OAD 216              | Jednokratno novčano primanje osobama sa naročitim zaslugama                                                                  | 10.000,00           |
|               | OAD 219              | Transfer za izgradnju spomen obilježja                                                                                       | 50.000,00           |
|               | OAD 220              | Pomoć za nabavku udžbenika za redovno obrazovanje                                                                            | 560.000,00          |
|               | OAD 222              | Transfer za podsticaj zapošljavanja branilaca i članova njihovih porodica                                                    | 1.230.000,00        |
|               | OAD 223              | Zdravstvena zaštita neosiguranih lica                                                                                        | 150.000,00          |
| 614300        |                      | <b>Tekući transferi neprofitnim organizacijama</b>                                                                           | <b>47.000,00</b>    |
|               | OAX 001              | Ocjena tjelesnog oštećenja                                                                                                   | 8.000,00            |
|               | OAX 002              | Profesionalna rehabilitacija                                                                                                 | 39.000,00           |
| 615100        |                      | <b>Kapitalni transferi drugim nivoima vlasti</b>                                                                             | <b>150.000,00</b>   |
|               |                      | <b>UKUPNO</b>                                                                                                                | <b>8.746.000,00</b> |

## **DIO ŠESTI - PRIJEDLOZI MJERA**

U cilju stvaranja uvjeta za poboljšanje statusne pozicije branilaca i članova njihovih porodica te njegovanja i očuvanja digniteta Odbrambeno-oslobodilačkog rata, potrebno je poduzeti slijedeće mjere:

1. Imajući u vidu težak socijalno-ekonomski status najvećeg broja pripadnika branilačke populacije sa područja Kantona, evidentan rast potreba i efekte dodijeljenih sredstava, nastaviti i unaprijeđivati aktivnosti na ostvarivanju prava i dodjeli sredstava novčane pomoći za potrebe samozapošljavanja, stambenog zbrinjavanja, stipendiranja redovnog studija studenata, zdravstvene zaštite i medicinske rehabilitacije branilaca i članova njihovih porodica.
2. Planirana budžetska sredstva i postupak dodjele istih trebaju pratiti potrebe i prava branilaca i članova njihovih porodica utvrđena Zakonom i podzakonskim aktima, posebno u slučajevima potrebe hitnog izdvajanja sredstava za potrebe liječenja, vanredne novčane pomoći i pomoći u slučaju smrti branilaca i članova njihovih porodica.
3. U saradnji sa kantonalnim udruženjima branilaca i članova njihovih porodica Ministarstvo za boračka pitanja će kontinuirano razmatrati najznačajnije probleme u vezi statusa branilačke populacije i načine rješavanja istih.
4. Saradnjom Ministarstva za boračka pitanja sa drugim ministarstvima Zeničko-dobojskog kantona u čiji djelokrug poslova spadaju određena pitanja od interesa za branilačku populaciju unaprijeđivati položaj te povećavati stepen ostvarivanja prava i zadovoljenja potreba branilaca i članova njihovih porodica, posebno u oblasti zdravstva, obrazovanja i zapošljavanja.
5. Ministarstvo za boračka pitanja će u saradnji sa gradonačelnikom/općinskim načelnicima i šefovima gradske/općinskih službi nadležnih za pitanja branilaca iznalaziti rješenja za otklanjanje eventualnih uočenih problema vezanih za pravovremenost u postupcima ostvarivanja prava.
6. Ministarstvo za boračka pitanja i Vlada Zeničko-dobojskog kantona će analizirati skupštinsku raspravu i zaključke vezane za ovu temu, sa ciljem adekvatnog postupanja.

Broj: 13/02-41-12424/15  
Zenica, 24.06.2015.godine

**MINISTAR**  
*Fahrudin Čolaković*